

## Na 2021 lo conoce maneho nobo di sushi y liber di dump



Pagina 2

\* Reforma fis-  
cal lo wordo  
implementa  
den 4 fase  
*Pagina 32*

\* Probabilidad  
di regreso di  
El Niño  
*Pagina 7*

\* TNO:  
'E parke ma-  
rino lo ta di  
Aruba, e ta  
pertenece na  
tur hende'  
*Pagina 16*

## un Pasco briyante

cumpra, recarga of regala

pa participa

recarga cu  
Afl. 15 of mas

cumpra un LTE data plan  
ilimita of un  
LTE bundle ilimita

pa postpaid

- paga bo cuenta na tempo
- activa of upgrade pa  
LTE postpaid ilimita





*Si proyecto di saneamento di dump ta factibel...*

## Na 2021 Aruba lo conoce un maneho nobo liber di un dump

**ORANJESTAD** – Diamars anochi, un grupo di habitantenan di Parkietenbos y bisindario a atende e invitacion haci pa gobierno, cu presencia di minister di infraestructura y medio ambiente, Otmar Oduber, caminda a wordo duna un presentacion di seccion informativo riba e proyecto di saneamento di e dump nacional. Esaki a tuma luga den e edificio nobo di DTI na Barcadera.

Nan lo spera di por cuminsa na 2020 y e construccion lo mester tuma luga den un aña y mey. Ta wordo pronostica cu pa aña 2021 Aruba lo conoce un maneho nobo, liber di un dump manera nos tin actualmente.

### Destaho publico

E mandatario a declara cu e prome destaho lo tuma luga denter di un siman, dia 7 di december proximo, pa loke ta trata e parti di e proyecto di incineracion di sushi, y pa final di januari avor e destaho pa e saneamento di e dump na Parkietenbos y e 'sanitary landfill' nobo cu mester bin conhuntamente cu e incineracion pa atende cu e produccion di sushi riba nos isla. DOW a splica henter un plan holistico tocante e proyecto aki.

Ta wordo calcula henter un aña di preparacion prome cu e proyectonan aki lo wordo ehecuta. Prome lo bini henter e discusion politico rond di e proyectonan aki, y tambe ceramento di contractnan cu e companianan cu a gana e bid. E di dos kwartaal ta definitivo pa evalua e factibilidad financiero di e proyecto aki.

Minister di medio ambiente, sr. Oduber a bisa cu pa ehecuta e proyecto aki lo mester firma por lo menos 11 contract cu e respectivo companianan, pero tambe mester adapta algun di nos leyman prome.

Program manager di TNO Caribe, Robert-Jan Moons a declara na Bon Dia Aruba cu e futuro di e dump na Parkietenbos mas probabel e lo bira un capping, cu ta e opcion mas factibel, menos



costoso, y menos complica. TNO lo keda encarga cu e parti di e futuro di e dump actual.

Sr. Jan Moons a laga sa cu for di inicio di 2018 gobierno di Aruba a pidi TNO pa participa den e proceso pa bin cu un maneho di desperdicio nobo pa pais Aruba. Pero especificamente pa TNO keda encarga cu e preparacion pa e saneamento di e dump na Parkietenbos.

E por bira un parke solar, of un parke recreativo, of cera definitivamente e sitio aki. Algun di e proposito aki, manera e parke solar, lo por genera entrada tambe, cu por yuda cubri parti di e inversion cu a wordo haci. Nan a calcula e proyecto total aki lo por tin un costo di 11 milyon dollar.

Pa cualkier di e posibilidad, mester evalua e trabou of tipo di capping. Unabes cu e dump na Parkietenbos no ta un dump mas, logicamente mester busca otro sitio pa e tratamiento di sushi. El a bisa cu un programa di reciclahe of separacion di sushi no ta un solucion definitivo pa elimina sushi. Te hasta e ta demanda un costo hopi grandi, sin solucion e problema definitivamente.

E mandatario a splica cu despues cu sushi ta wordo separa cu e meta pa recicla,

bo ta keda resta por lo menos 70% di e sushi. Un cantidad cu bo mester haci algo cune. Pero Aruba no tin otro bario of distrito pa bay pone un dump nobo, pa bay den e mesun direccion di e ultimo añanan. P'esey a base di informacion y tecnologia ofreci pa companianan serio a kies pa bin cu e sistema di incineracion.

**Incineracion**  
Definitivamente –segun minister Oduber– lo bin cu proceso di incineracion di sushi na Aruba, cu por genera energia y gas, cu lo por wordo bendi cu WEB NV. Pero tambe un sanitary landfill pa duna un solucion entre otro factibel y economicamente sostenibel. E mandatario ta haya cu Aruba ta un stap mas delanta cu otro islanan di nos region. Mientras, por ehempel, Corsou ta pensando pa bin cu un proyecto asina, ya caba Aruba a bin realiza tur sorto di estudio pa mas cu 25 companianan internacional, regional y local.

Pa medio di estudionan aki, por ehempel pa prome biaha nos sa e componente di nos sushi. Tambe PAHO a yega di traha un rapport cu ta señala e peligrosnan cu e dump aki ta nifica y cu a bira e base di gobierno pa sani'e. Ya caba 100% di e sushi cu Serlimar ta piki –segun e mandatario– ta bay pa EcoGas. "E ta costa nos como pais. Pero nos

a scoge tambe pa evita un di recoge sushi manera otro



peliger di un brote di malesa conforme e rapport cu tin di PAHO," segun e minister. Tambe e ta un alternativa pa evita cu e sushi aki ta sigui montona na Parkietenbos.

Den e proyecto aki, e sushinan lo bira e fuel pa asina e incineracion por funciona. Tambe e cantidad di produccion di sushi ta bay determina e punto principal di e ofertanan cu e companianan y tecnologia cu nan lo ofrece riba tereno di incineracion na nos pais. P'esey durante e seccion informativo aki nan tabata masha reserva pa los informacion clave, ya cu e proceso di destaho publico ta na caminda.

E mandatario a bisa cu Serlimar lo keda cu su tarea

compania priva. E proyecto aki lo por tarda un aña y mey pa su ehecucion. Den e plan ta poni cu pa e di tres kwartaal di aña 2019, nan lo sa definitivamente si ta bay door cu e proyecto aki. Si e ta bay door, esaki lo nifica di biaha cu un contract lo wordo cera.

E seccion informativo aki a conta cu presencia di sr. Oduber y representantenan di departamentonan di gobierno, y tambe di TNO y WEB. Igualmente tabatin presencia di representantenan di fundacion Parkietenbos, cu a bin lidera e lucha di e habitantenan bisiña di e dump pa busca un solucion definitivo di saneamento na e problematica di maneho di sushi na Aruba.



# Di tres edicion di Aruba Fashion Week

**ORANJESTAD** – Aruba Fashion Week lo tuma lugar di 14, 15 y 16 di december 2018. Esaki lo ta e di tres edicion di evento, unda cu diseñadornan internacional y local ta muestra nan coleccion den e pasarela.

Den un conferencia di prensa, Anouk Eman kende a participa pa miss Aruba y actualmente ta e vocero di e evento, a bisa cu e aña aki lo tin diversidad pa locual ta e show, pa motibo cu nan lo muestra e diseñadornan local, pero tambe esunnan cu ta hoben y tin aspiracion pa ta den e mundo di moda y diseña paña.

Joase-Ann van der Biest, e PR di evento, a bisa cu tur edicion ta conoci mundialmente, y cu e evento tin su acogida pa diversidad. Tur e añanan e ta splica cu a scoge diferente locacion pa e evento. E biaha aki e lo ta na Market Pier parking lot. “Un solo evento, inspiracion y moda. Entre otro un show yena cu moda. Lo tin launch area, food court y mas.”

Segun sra. Van der Biest ta bisa cu e tendencia e biaha aki lo ta nobo. E ta bisa cu durante tres dia largo, comunidad di Aruba por disfruta. El a splica cu tur aña, semper nan enfoca ta riba un diseñador specifico local. E aña aki, el a agrega cu a pensa mas leu: pa duna oportunidad na diseñador cu tin soño of aspiracion.

E personanan aki a haya un tayer den nivel di moda y diseño, pa asina nan por tin mas guia pa locual ta encera ta un diseñador den futuro. “Pa nos e ta importante como Aruba Fashion Week pa inspira y motiva esunnan mas hoben pa participa cu nan moda. Moda ta un arte unico y fabuloso. Mester pusha esaki mas.”

Rhona Lemming, diseñador di moda y juffrouw di moda, a bisa cu a tene e competencia pa e diseñador futuro. E ta splica cu a pidi algun hoben of mucha cu kier participa, cu kier bira diseñador, pero cu nunca no a haya chens, pa nan por proba awo, ya cu tin e posibilidad durante Aruba Fashion Week. E mucha/hoben mester manda nan video y asina wordo selecta pa por participa.



Di e forma aki sra. Lemming ta splica nan por demostra kico nan tin di ofrece y nan talento den moda. “Naturalmente, edad ta varia y ta crece den dje. Cu esaki ta wak ken ta husga videonan, con nan ta traha, cua coleccion y paña cu ta bay wordo scogi pa participa. Esun cu ta gana ta bay cu premio.”

El a continua splica cu e premio di e diseñador ganado ta pa haya un oportunidad pa na aña 2019 por promove su propio show di moda gratis. “Tur cos e lo haya manera cuakier otro diseñador, pa asina e por presenta su coleccion.”

Sra. Lemming a remarca cu esey Aruba ta spera pa otro aña, e sistema aki cu mas mucha of hobennan cu no a studia moda of tin inspiracion pa bira diseñador, pero nunca a bay dilanti, pa asina por participa den Fashion Week.

Di parti di marca OLLE Paris, Sheila De Freitas Donata ta representante di makeup pa e edicion di e evento e aña aki. Pa nan marca, e ta bisa ‘beyesa cu alma ta nos slogan’. E ta bisa mas leu cu beyesa fisico nan kier resalta e beyesa di cuakier ser femenino.

Ana Maria Ramirez, kende ta representante di COMPRA, a bisa cu evento aki ta importante pa comunidad local asisti pa sigui apoya e diseñadornan local cu ta bay ta presenta nan coleccion e dianan aki. Pa esunnan cu ta cuminsando den e mundo aki, ta bon pa asina nan por siña y presenta nan propio coleccion.

Setar N.V su representante, Roxana Ras, ta bisa como compania di telecomunicacion ta importante pa forma parti di



proyecto cu lo ‘engrandece Aruba’ como isla; kier promove e localnan cu paisnan internacional.

Marvel Vilchez, sales & marketing director di Brickell Bay Beach Club & Spa, ta bisa cu e evento ta importante, pa sigui asina promove mas e turismo. “Proyecto bunita y importante pa nos trece

turismo cu gusta moda, y algo cu ta diferente manera na Aruba.”

Demmi’s Rivas marketing director, Barcelo Mas, a splica cu e ta un promocion pa isla di Aruba, pa asina por demostra tur locual ‘nos hendenan por haci’. Agregando cu e biaha aki e hubentud tambe ta involvi.

Pa finalisa, sra. Van der Biest a bisa cu cuakier persona den makeup, fashionista, persona cu ta den moda di arte pa motibo cu ta encanta moda, of ta curioso pa conoce algun diseñador internacional, pa asisti na evento pa asina por disfruta di esaki.



*Gerrick Croes:*

## “Awendia hobennan tin cierto interes pa temanan social y pa yuda hende”

**ORANJESTAD - Hobennan di Generacion ‘Y’ di awendia ta conta cu e potencial y hermentnan necesario pa logra tin un prestigio den e profesion cu nan ta desea. E integrantenan di e generacion aki ta consisti di esunnan naci desde e decada di 1980 te aña 2000 y ta dispone di e potencial suficiente pa logra exito.**

Durante un entrevista cu Bon Dia Aruba a haci cu Gerrick Croes, estudiante di Derecho den Universidad di Aruba, el a splica con awendia e hobennan profesional tin cierto interes pa temanan social y pa yuda hende cu no tin conocimiento den e parti huridico. Croes a haya e titulo di Accounting and Finance na aña 2008 y a labora den practica di belasting y despues el a drenta den arena politico. Awendia e ta estudiante di di tres aña di ley, carera cu e tabata kier studia desde hopi aña pasa. El a bisa cu tin basta interes pa combina su conocimiento di finanzas y ley pa motibo cu e ta considera nan dos arma hopi poderoso den tur sentido di palabra; tur cos ta draai rond di finanzas y ley y pa cada biaha tin aspecto huridico mara na cualkier cos chikito cu ta sucede.

E ta consciente cu conocimiento ta hopi importante, manera el a bisa, pa e motibo ey el a proteha su mes; pa crece profesionalmente y logicamente pa por yuda otro hende cu ta mas vulnerabel den sociedad. Croes ta bisa cu den e comunidad di Aruba tin hopi hende cu nan derechonan ta wordo trapa tur dia y nan no sa esey. Tambe ta e parti di conseho huridico cu pa varios biaha un persona mester dje y no tin e recurso suficiente pa por paga un abogado.

El a splica cu ta comprensibel cu tur profesional tambe mester cobra pa su trabou pa nan por biba, pero di un manera of otro, nan mester busca pa tur dos por haya un solucion. E ciudadano no por keda sin proteccion y mester keda bringa pa su derecho; di e banda di e persona cu no tin placa y e banda di un profesional den area huridico, sea abogado of hurista.

Ta existi hopi persona cu tin problemanan chikito cu

huridicamente tin solucion basta lihe pa nan. El a señala cu na Aruba e ta sinti cu esey no ta traha optimalmente riba dje y a papia di un proyecto cu e ta forma parti di dje cu yama ‘Tienda di Ley cu

Plataforma Hobennan Profesional.’ E ta consisti di varios hoben profesional y estudiante den varios area, como Derecho, Gobernacion, Maneho di Deporte, y diferente otro disciplina.

Croes a expresa cu e Tienda di Ley ta un iniciativa cu e ta haya “asina noble” cu nan lo por yuda un hende ora cu e ta den tanto problema asina, cu kisas ta algo chikito pa e hobennan profesional, pero

pa e ciudadano ta un ayudo grandi y ta un servicio gratis. Esey ta un oportunidad pa nos, pa motibo cu loke nos ta siña nos ta pone den practica pa wak kico ta susode diariamente den comunidad y di manera ey yuda. E ciudadano ta sali gana y nan tambe como estudiante di ley.

Tienda di ley ta ricibi diferente caso, por ehempel casonan di migracion, casonan laboral, casonan di belasting. Di e parti di derecho, nan tin diferente materia y di forma ey nan ta haya practica di loke nan ta studia.

El a duna como ehempel e caso di un persona cu a wordo retira ‘op staande voet’ di su trabou. El a bay Tienda di Ley y nan a traha un carta p’e y e persona haya su trabou bek un siman despues. For di eynan e hobennan a wak e balor y importancia di loke e Tienda di Ley ta haci.

Tambe el a bisa cu te ainda nan no ta procede dilanti di Corte, pa motibo cu nan ta estudiante y nan ta den e fase pa haya mas conocimiento, pero loke Croes a bisa ta cu e hobennan profesional por conseha e hende y duna nan un siman pa nan por recolecta tur e informacion pa despues e ciudadano por haya su carta of e solucion di su caso.

Croes a expresa tambe cu den Tienda di Ley tin hopi persona cu ta acudi pa casonan di migracion pa motibo cu nan ta haya un conseho negativo di nan permiso cu ta un decision di parti di e departamento di Dimas. Sea cu e permiso no ta renoba, extende of otorga y sin argumento bon formula di e motibo pakico. Esey ta caso hopi repetitivo pa e hobennan profesional.

Pa finalisa, el a bisa cu e kier pa e comunidad sa cu e Plataforma di Hobennan Profesional ta haci cada siman un analisis di un articulo. Den ultimo simannan a concentra hopi riba casonan laboral y e articulonnan ey tabata wordo skirbi den combinacion cu estudiante. Di e Landsveordening a tuma un articulo y ta duna un splicacion dje; hunto cune nan ta tuma e sentencianan di Hues di Corte Supremo di Hulanda cu ta combina cu e articulo y esey ta full un paquete di informacion pa e comunidad.





## Editor

Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #1330772

## Ass. Dir. Ehecutivo

Xiomara Arends

## Redaccion Ehecutivo

Leo Maduro (hefe di redaccion)  
Esther Kiks-Martinus (redactor ehecutivo)  
Nicola Gonzalez (redactor ehecutivo)  
Pilar Flores (redactor ehecutivo)

## Redaccion

Benjamin Romero  
Kenna Hernandez  
Andreina Morillo

## Departamento Digital

Cristian Soto Garcia

## Ehecutivo di Benta

Sulaika Croes  
email: sulaika.croes@cspnv.com  
Marijke Croes-Luidens  
Linda Reijnders

## Aviso y Arte

Sandra Loefstop  
Lisa Tromp  
Shannon Geerman

## Administracion

Mariette Engelhart  
Martha Arteta de Ariza  
email: accounting@bondia.com

## Distribucion

Jenny Kelly

## Recepcionista

Rachelle Danje

## Coleccion

Evelinda de Cuba - Tromp

## Pre Press

Luis Fernando Arenas (Hefe)  
Pablo Libre

## Press

Roland Schenker (Hefe)  
Omar Ramirez  
Martin Boekhoudt  
Francis Dirks

## Colaboracion

Yakari Gabriel  
Associated Press  
Ret Karibense  
Upload Media Aruba

## Afiliacion

Sociedad Interamerica  
di Prensa (SIP)

## DIRECCION

Adres: Weststraat #22  
Tel: 582-7800 / Fax: 582-7044  
Email: noticia@bondia.com  
aviso@bondia.com  
Website: www.bondia.com  
Facebook: @bondianoticia  
Instagram: bondiaaruba

BON DIA ARUBA ta un corant  
redacta y imprimi na Aruba y ta  
obenibel di dialuna te cu diasabra.  
Ningun contenido por wordo reproduci  
sin permiso di editor.



# Editorial

CAFT: MESTER CUMINSA ATENDE...

## Gastonan di personal...

E organo responsabel pa duna gobierno di Reino conseho encunto e estado financiero di Aruba cada tres luna, a reacciona riba e rapport cu gobierno a entrega prome cu mita di november, dentro di e limite di tempo cu ta un par di dia despues. Dos siman despues, manera mester ta e comentario di CAft a bay pa gobierno, y ayera e carta a bira publico riba e website cu CAft ta comparti cu e otro organonan di supervision di e otro islanan. Loke por observa di inmediato ta cu e organo ta referi na e protocol nobo cu a keda firma un siman pasa, unda algun cos a cambia, pero hopi cos no. Naturalmente cu di tur banda ta cuminsa pretende di mira cambio den e actitud y actuacion di e colegio, pa for di esey saca conclusion cu 'nan a haya mas poder.' Nos no ta bay den e detayenan di esey, pasobra nos ta opina cu en general no mester exagera e 'poder' di e organo aki. E poder cu supuestamente e tin ta un poder deriva y no directo. E ta simplemente un organo di conseho. Nan ta raporta na conseho di ministro di Reino, y ta sugeri, si ta necesario, pa tuma paso (medida) pa coregi cierto tendencia negativo cu nan ta mira den e operacion financiero di gobierno di Aruba. Y si gobierno di Reino ta di acuerdo cu esey mester tuma lugar, anto ta bin accion. Pero no ta asina cu gobierno mester sigui nan conseho y sugerencianan al pie de la letra. Pero e ora ta necesario si cu e ruta cu gobierno ta scoge, ta 'make sense' y esey realmente no tabata e experiencia cu e alternativanan cu nos a mira te awe den e materia aki. Pakico ta asina dificil pa colabora cu

un instancia cu ta representa un poder mas haltu; no ta posibel pa reconoce e realidad ey y probecha di e experticio cu nan ta trece, si esey por yuda nos? Sin embargo, tin e cosnan cu ningun organo consultivo por cambia sin mas, y esey ta e contexto economico den cual nos ta opera. CAft ta señala cu e entradanan di winstbelasting lo ta kedando atras compara cu aña pasa y cu mester tene cuenta cu esaki. Loke no ta observa, aunke nos no ta bisa cu esey cu nan no ta consciente di e proceso, cu e tendencia negativo aki tin dos factor sigur cu ta interveni. Un ta cu e cambio den e forma di cobra e impuesto aki a crea un 'bubble' pa algun aña, pasobra a bin hunto e pago inmediato den e sistema nobo, y e compromisonan di añanan anterior cu na dado momento ta bira menos, te cu ta pagando practicamente via e sistema nobo so, unda ta paga di biaha ora ta declara. Esaki tin dos piek den cobranza, un na mei y un na december pa e companianan cu a regla un extension di e periodo pa nan tin nan cuenta anual cla. Pero tin algo mas: no ta logico cu despues di tanto aña di un economia bastante debil, cu varios aña reciente unda tabatin crecimiento economico negativo, cu e volumen di ganashi no ta bay dilanti, al contrario? Por ta cu nos lo haya mas señal ainda di un economia cu apenas ta haciendo progreso? Anteriormente nos a señala caba den e editorial aki e posibel fenomeno, unda bo por aumenta bo impuesto riba benta, pero cu un volumen di consumo disponibel cu no ta crece y cu ta haci cu hende ta cumpra menos, pasobra

nan mester resta placa pa na caha paga mas na gobierno, no ta drenta e cantidad cu por pensa... Un tendencia cu varios empresario a confirma pa nos tambe. Por ta cu ta pesey e entrada di e asina yama BAVP, a keda atras compara cu e pronostico cu gobierno tabatin? Segun cifranan di gobierno mes, e BAVP tabata 2,2 miyon menos den kwartaal 3. Riba e pronostico di 16,7 miyon florin esey ta un suma basta grandi cu no a drenta. Talvez ta demasiado tempran pa detecta e tendencia aki, nos lo sa esey despues ora por dispone di e cifranan di ultimo parti di aña. En todo caso, si ta esey ta e tendencia real, anto esey ta significa tambe cu awor si gobierno mester bay baha gasto, pasobra no tin mas di ranca cerca e ciudadano. Y esey ta exactamente loke CAft ta trece dilanti. No ta relevante pa hiba henter un discusion tocante e pregunta si nos ta laga Hulandes dirigi nos asuntonan of no. Tabay pa reconoce cu no tin caminda di sconde mas y gobierno mester cuminsa atende su asuntonan di personal cu diligencia, cos cu nos no ta mira sucediendo, ainda. Den su comentario riba e rapport di gobierno aki CAft ta bolbe constata cu e gastonan di personal ta keda subi, y nan no ta parce di ta asina convenci di e argumentonan treci dilanti; nos tampoco: ta bay dura te fin di aña o hasta te otro aña prome cu tuma decision riba e medidanan adicional necesario. Manera nos tin 32 aña ta observa caba, gobierno 'is dragging its feet'?



## Colombia: Vice-presidente ta afirma responsabilidad di hemisferio pa dictadura Venezolano

(NTN24/Miami Herald) – Vice-presidente di Colombia, Marta Lucia Ramirez, a afirmadiaz pas na Miami cu “henter e hemisferio” tin responsabilidad den “e dictadura cu a instala na Venezuela” y, pesey e tarea di atende e “tragedia humanitario” Venezolano ta di tur. Ramirez a papia den un rueda di prensa improvisa prome di a papia den un conferencia tocante e desafio y oportunidadnan cu gobierno di presidente Ivan Duque tin su dilanti, organisa pa e diario The Miami Herald y conduci pa e periodista y escritor Argentino Andres Oppenheimer.

E vice-presidente a subraya cu Colombia a demonstra un



creciente generosidad cu e Venezolanonan cu ta huy di e pais ey, pero a subraya

cu e ta un “problema regional” cu mester enfrenta cu “strategianan regional.”

Segun Ramirez, e fondonan cu ta destina na ayudo di

e Venezolanonan ta totalmente “insuficiente” y tur pais y organisacion multilateral metser reacciona contribuyendo na un fondo di emergencia, segun principio di “coresponsabilidad.”

Pa Ramirez, algun pais pa “indolente”, otro pa “complaciente” y otronan pa “complice”, pero tur pais di e continente tin responsabilidad den e situacion den cual Venezuela ta biba.

E vice-presidente a subraya cu Colombia no por sigui aceptando hopi mas Venezolano y a bisa cu, manera ora un persona ta tira su culpa den lama pa yuda un otro, “y nos tur dos por termina hoga.”

## Nicaragua: Merca a sanciona vice-presidente y asesor di Daniel Ortega

(Infobae/BBC.com) – Merca a impone diamars pasa sancion economico riba vice-presidente y prome dama di Nicaragua, Rosario Murillo, y asesor di seguridad nacional di presidente Daniel Ortega, Nestor Moncada, pa nan responsabilidad den abuso contra derecho humano y acto di corrupcion, autoridadnan a informa.

Departamento di Tesoro a bisa cu e medidanan a ser tuma di conformidad cu un decreto emiti diamars mes pa



presidente Donald Trump, cu ta declara un “emergencia nacional pa enfrenta e menasa crea pa e situacion na Nica-

ragua,” cu a ser sacudi desde luna di april pa protestan anti-gobierno, y cu a ser reprimi violentamente pa autori-

dadnan, loke segun gruponan humanitario a laga mas di 300 morto. “E gobierno aki ta comprometi pa responsabilisa e regimen di Ortega pa e protestan violento y e corrupcion general cu a hiba na morto di centenares di Nicaraguense inocente y nan a destrui su economia,” e secretario di Tesoro, Steven Mnuchin a bisa den un comunicado.

Merca ta dicidido den impedi cu e funcionarionan di Ortega lo tin acceso na e sistema financiero di Merca pa obtene ganashi a costo di pue-

lo Nicaraguense, el a sigura. E sancion emiti contra Murillo y Moncada ta blokea tur nan activo y propiedadnan bao di hurisdiccion di Merca, y tanto persona como entidadnan Mericano tin prohibicion di haci negoshi cu nan.

Den e comunicado di Departamento di Tesoro, ta señala Murillo como responsabel pa dirigi Polis y Hubentud Sandinista den e ola di represion, cu a inicia na luna di april y e comunicado ta cita cu Murillo tin un historia largo di “participa den actonan di corrupcion.”

## Venezuela: Tribunal Spaño no ta permiti extradicion di ex-administrador di Pdvsa

(NTN24/EFE) – E Audiencia Nacional (tribunal superior) a rechasa ayera e extradicion pa Venezuela di Jose Ramon Sanchez Rodriguez, ex-administrador financiero di e empresa petrolera estatal Pdvsa, acusa di a laba placa horta di e empresa publico aki, comprendiendo cu si entrega e persona na autoridadnan Venezolano, esaki por viola su derechonan y por somete na “trato inhumano o degradante.”

Den un acto na cual agencia EFE tabatin acceso, e

Audiencia a comprende cu no por aproba su extradicion, tambe “pa vulneracion di e derecho di tutela hudicial efectivo.”

Audiencia Nacional a tene sesion siman pasa diarason pa trata e intencion di Fiscalia pa extradita e ciudadano Venezolano, riba peticion di gobierno di e pais ey. Su defensa a alega cu esaki ta parti di un “persecucion politico” contra famia di e ex-ministro Venezolano di energia Rafael Ramirez, cu tabata representante di Venezuela na Organizacion di Nacionnan Uni (ONU), a keda exilia y actualmente ta cu paradero desconoci.



Segun e abogado di Sanchez Rodriguez, Ismael Oliver,

su cliente ta primo distante di Ramirez, aunke Ramirez

mes a nenga di tin parentesco familiar cu Sanchez.

Oliver a aporta documento di e maltrato di dos detenido na Venezuela: Diego Salazar, primo ruman di Ramirez, y Jose Enrique Luongo, cu ta cera den e centro conoci como “La tumba”, e sotano di e sede na Caracas di Servicio Bolivariano di Inteligencia (Sebin).

Edocumentonan ey a resulta clave pa e Audiencia Nacional rechasa e extradicion di Sanchez Rodriguez, cu e entendimento cu, si entrega Sanchez, e por sufrir un trato parecido na e pais Suramericano.



# America Latino: Probabilidad di regreso di El Niño

(ElNuevoDia/EFE) - E probabilidad cu e fenomeno climatico El Niño por bolbe aparece pa februari di e proximo aña ta entre 75% y 80%, pero científiconan ta pronostica cu si e yega, e lo no ta asina severo manera esun registra entre 2015 y 2016, asina Organizacion Meteorologico Mundial (OMM) a anuncia ayera.

Den e periodo menciona, El Niño tabatin un impacto fuerte y tabata relaciona cu segura, inundacion y e fenomeno di coral cu tabata bira blanco, den diferente parti di mundo.

Sin embargo, un eventual fenomeno di El Niño den e proximo lunanan si por altera e yobidanan y e temperatura



na diferente region y impacta agricultura, e maneho di recurso di awa y salud publico, e portavoz di OMM, Clare Nullis, a splica.

El a agrega cu El Niño cu ta acercando por combina cu e cambio climatico di

largo plazo cu e planeta ta sufriendo y por hiba na un salto di temperatura.

E temperatura di e superficie di lama ya ta revela e presencia di un El Niño debil, pa cual por anticipa cu e nivel di yobida entre december

y februari por coresponde na loke ta produci ora e fenomeno ta activo.

El Niño ta provoca fluctuacion den e temperaturanan di superficie di awa den e zona di Pacifico ecuatorial, hunto cu cambianan den

e circulacion atmosferico, cu ainda no a observa di manera cla. “E temperatura di e superficie di lama ta na nivel di El Niño desde october, pero e atmosfera ainda no a responde cu un calor adicional, mientras cu e biento y nubianan halto, y e presion di lama tampoco ta reflehá nan caracteristicanan tipico,” e organizacion mundial a precisa.

E prediccions ta indica cu esaki por cambia den un o dos luna. Pa tur esaki, ta existi entre 75% y 80% di posibilidad cu e fenomeno di El Niño por desaroya entre december y februari, y cu 60% di probabilidad e por continua den e periodo entre februari y april 2019.

## Ecuador: Denuncia contra vice-presidente pa supuesto corrupcion

(Infobae/MetroEcuador) - E politico opositor Ecuatoriano Andres Paez a presenta diamars pasa na Fiscalia un denuncia ‘pa corrupcion y trafico di influencia’ contra vice-presidente di e pais, Maria Alejandra Vicuña.

Paez, un ex-candidato pa vice-presidencia di e pais, a entrega na Ministerio Publico un escrito cu segun el a bisa, ta inclui un declaracion hura di un ex-asesor di Vicuña, den cual e ta acusa su persona di ricibi donacion irregular, tempo cu e tabata legislador, entre 2011 y 2013.



“Tambe mi ta solicita den e denuncia aki pa recaba, di e banconan, e informacion relaciona cu e depositonan

realisa pa e declarante,” Paez a bisa na e medionan afo di Fiscalia.

Di su parti, Fiscalia a señala cu lo bay investiga e caso, aunke a declara cu e video di e noticia no necesariamente ta un prueba.

“Den e investigacion lo bay practica tur diligencia necesario pa resolve e caso,” Ruth Palacios, fiscal general den funcion a sigura, aunke a evita adelanta criterio di e denuncia aki, pa motibo cu ta trata di “informacion reserva, hustamente pa sigura e resultado.”

Na rednan social a circula

un mensahe skirbi pa e vice-presidente den cual el a sigura cu lo bay demonstra na e pais cu prueba su inocencia di loke el a considera “un infamia nobo.”

Mas laat, Vicuña a sigura den un declaracion di prensa na sede di gobierno cu e denuncianan ta obedece na un presunto trama di extorsion y ta forma parti di un campaña di desprestigio contra gobierno. Ademas el a afirma cu lo bay presenta un denuncia na Fiscalia pa demonstra, segun Vicuña, cu e trama ta conta cu complicidad di medionan.

## Peru: Prohibicion pa sali di pais pa esposo di Keiko Fujimori

(LaRepublica) - Hues Richard Concepcion Carhuancho, ken a trata tambe e caso di Keiko Fujimori y otro acusadonan den e caso di corrupcion den e partido di Fujimori, a declara e pedido di Ministerio Publico funda y a dicta 36 luna di impedimento di salida di e pais contra Mark Vito, esposo di Keiko Fujimori. Su defensa a laga sa mesora cu nan ta bay apela e decision, ya cu nan ta considera esaki ‘arbitrario y abusivo’.

“Ta impone mandato di impedimento di salida di e pais



na e persona imputa Mark Vito Villanella pa un periodo di 36 luna, cu ta inicia awe 27 di november 2018 y ta vence dia 26 di november 2021, den e investigacion cu ta den curso pa delito di labamento di activo agrava, den ‘agravio’ (detrimento) di estado,” e resolucion hudicial ta bisa.

E abogada di e esposo di Keiko Fujimori, Giuliana Loza, a skirbi riba Twitter: “A caba di notifica nos di e decision arbitrario aki cu nos lo apela. Un biaha mas ta comete un inhusticia contra famia Fujimori.” Di acuerdo cu e tesis

fiscal, ta kere cu e fondonan cu Mark Vito a usa pa compra dos tereno entre 2015 y 2016, den e centro industrial La Chutana, na Chilca, lo ta di origen ilicito.

E fiscal Jose Domingo Perez a inicia e investigacion contra Vito, mientras e tabata traha riba e caso ‘Cocteles’ na 2016, cu ta e caso contra Fujimori pa aporte presuntamente irregular den e campaña presidencial di 2011. E acusacion ta tuma lugar cu referencia na ley di crimen organisa.



## Gobierno ta adopta definicion controversial di 'anti-semitismo'

**DEN HAAG** – Mayoria di parlamentarionan a sostene un mocion diamars, pa gobierno Hulandes adopta e definicion specifico di 'anti-semitismo' formula pa e Aliansa Internacional di Holocausto (IHRA).

"Paisnan mester ta di acuerdo tocante kico exactamente ta constitui anti-semitismo, pa asina nos por haci mas pa registra instancianan di esaki", Kees van der Staaij, lider di e partido Cristian Fundamentalista, a bisa NOS, segun un relato di dutchnews.nl.

Parlamento Europeo a haci un yamada pa tur estado miembro adopta e definicion di IHRA na 2017. Tres di e cuater partido gubernamental – VVD, CDA, Christen Unie – a duna sosten na e mocion, hunto cu partidonan den



oposicion – PVV, 50Plus y Forum voor de Democratie.

E partido liberal D66, como tambe SP, PvdA, Partij voor de Dieren, GroenLinks y Denk a vota contra, pasobra, segun nan, e definicion no ta haci un distincion cla entre anti-semitismo y critica

contra gobierno Israeli.

E organisacion hudiu Een Ander Joods Geluid ta apoya e reclamo aki, como tambe un cantidad di academico Israeli, segun NOS. "Cualkier acto cu ta hasta cerca di anti-semitismo ta abominabel",



parlamentario di D66, Sjoerd Sjoerdsma, a bisa NOS. "Pero critica contra gobierno Israeli no por wordo poni den e mesun categoria."

Sr. Van der Staaij a bisa cu critica general contra politica Israeli hopi biaha ta contene stereotiponan di hende Hudiu. "Den e caso aki, critica contra gobierno Israeli por wordo considera anti-semitico", el a bisa.

E organisacion hudiu Cidi a comenta cu critica contra

gobierno Israeli no ta 'criminalisa' den e definicion. "E definicion di IHRA ta yuda distingui entre critica contra Israel di un banda, y di e otro e reproduccion di teoranan clasico di conspiracion y prehuicio contra hudiu – cual ta anti-semitico", e ta bisa riba su website. Un encuesta recien di Cidi a muestra cu casi mita di tur e encuestadonan ta sinti insegur di identifica nan mes como hudiu den publico.

### Advertorial

## Setar ta lansa su campaña di Fin di Aña 2018

**ORANJESTAD** - Den e programa 'Magia di Pasco' via Telaaruba, Setar a anuncia su campaña di fin di aña cu e tema 'Celebra e temporada di duna bek'. Ya e bukinan cu e diferente ofertanan di Setar ta disponibel y ta keda reparti pa tur cas na Aruba, cu e tema e aña aki 'Celebrate the season of giving'.

Den e revista aki tin un voucher pa yena nomber y adres etc., cu clientenan por tira den un buzón den cualkier Teleshop di Setar pa participa pa gana automaticamente un premio di fin di aña.

Ademas di varios ofertanan hopi atractivo, Setar lo tin un kerstboom cu 51 bala colga den Dj Ecu ta contene premionan tremendo. Na final di e campaña di fin di aña lo saca un total di 51 cliente di Setar cu lo gana varios premionan cash y producto. Lo tin 10 premio di Giftbon di Setar di Afl 300,- florin, 10 celular Samsung Galaxy J6, 10 premio di Afl 500,- cash, 10 premio di Afl 1.250,- cash y 10 premio di Afl 2.000,- cash. E premio mayor ta Afl 5.000,- cash.

Un total di Afl. 50.000,-



na premio pa duna bek na comunidad di Aruba.

Otro bon noticia ta cu tur cliente nobo of cu renoba cualkier contract di celular (Postpaid U, Regular y Hybrid) of tur cliente nobo y existente cu upgrade of busca nan 'Setar Complete' ta ricibi un voucher pa participa pa gana un trip pa Orlando pa 4 hende (2 adulto y 2 mucha) cu ta inclui 4 ticket, hotel y 4 ticket pa Disney park.

Den campaña di Pasco clientenan por scoge di un variedad grandi di smartphones den paketenan prepaid, hybrid y postpaid pa tur cartera. Abonadonan di

Postpaid U ta bay gosa di mas data. Durante e campaña, tur cliente nobo of existente cu cera un contract di 1 of 2 aña di Postpaid U ta ricibi 3GB acerca di Add-On Data bundle riba e plan pa 3 luna. Paga y gana na e Machine di Self Service

Setar lo saca 5 ganado cu e promocion di e mashin di pago popularmente yama 'mashin di Clarita', clientenan cu paga riba e mashin den lunanan di promocion ta participa automaticamente pa gana. Na final di e campaña lo scoge 5 ganado di premionan cash. Lo tin un premio di Afl 1.000,- cash, dos di Afl 500,- cash y dos di Afl 250,- cash.



Lo tin un oferta pa clientenan cu ta desea di haya Setar Complete tambe. Cliente nobo ta haya instalacion gratis, cliente existente cu ya tin 3 servicio y adkiri Setar Complete lo haya 50% di descuento pa 2 luna (contract

di 2 aña). Fuera di esaki e cliente ta participa pa gana e biahe pa Orlando pa 4 persona, manera menciona.

E campaña a cuminsa desde 26 di november y ta caba dia 31 di december 2018.




## Recherche den caso di Natalee Holloway ta skirbi buki autobiografico



WILLEMSTAD – Dia 31 di augustus ultimo, e recherche Peter Auceps a lansa riba mercado un buki cu ta basa riba un biografia franco di su persona. Titula ‘Un biahé blauw – Memorianan di un recherche,’ e buki di 164 pagina ta un publicacion di e cas editorial Uitgeverij Boekscout. Su descripcion ta bisa cu, pa medio di e buki, Peter Auceps ta hibabo den su biahé den cual e ta conta di su experiencianan durante su carera como agente policial. Storianan real ta sirbi como e base pa e buki intenso y reveladoraki caminda tension, emocion, humor, éxito y tambe decepcion ta keda defini di un manera eficaz. E ex recherche ta duna un bista den e mundo di Polis en general, y tambe esun como

recherche en particular. Uno cu, na su opinion, hopi biahá ta haya critica inhumana y tin biahá, te hasta, un imagen negativo di e agente policial. Esaki ta hustamente loke a motiva Auceps pa skirbi e buki; den un intento pa crea un reputacion mas humano pa e profesion particular aki cu ta uno compleho y magnifico. Hunto cu su famia, Auceps a hay’e ta emigra un total di cinco biahá, di cual tres di nan tabata relaciona cu su trabou. Awo e ta residencia na España. Di su 36 aña di carera, el a traha 30 como recherche cuminsando na Amsterdam sigui pa Aruba y Corsou. Na Aruba el a forma parti di e ekipo di investigacion cu a atende cu e caso di desaparicion di Natalee Holloway.



## Corsou kier pa Hulanda yuda cu Isla



WILLEMSTAD – Gobierno di Corsou ta biahando pa Hulanda na comienzo di proximo aña pa pidi Gobierno Hulandes pa yuda den e proceso pa haya un operador nobo pa refineria Isla. Te cu aworaki, segun Prome Minister di Corsou Edugene Rhuggenaath, Corsou por maneha ainda tur cos riba su mes; pero si e negociacionnan continua, e mandatario lo ta contento di por tin e asistencia di Hulanda. Rhuggenaath ta referi particularmente na loke ta trata e standard ambiental. E contrato di refineria Isla cu PDVSA ta caba na fin di 2019.



### JOIN OUR AWARD - WINNING TEAM

Ranked among top 10 Hotels In the World by TripAdvisor  
Featured In top 10 Hotels In the Caribbean by Travel + Leisure

#### EXCELLENT BENEFITS:

Competitive Salaries, Pension Plan, Health-Disability-Life Insurances, Dental & Vision Insurance, Savings Plan, Loan Availability, Shift Meal, General Bonus.

#### WELLNESS EXPERIENCE SUPERVISOR

- Strong leader to create and execute world class wellness experience
- Outgoing personality with excellent interpersonal & sales skills
- Passion and interest in health and holistic wellness
- Nutritional expertise preferred
- Experience in hospitality, wellness or service related industry
- Self starter with great organizational skills
- Excellent compensation according to experience

#### F&B Manager

- Exemplify the highest standards of honesty and integrity.
- Highly confident in your abilities and detail-oriented.
- A team player and excellent communication skills.
- Have a love and passion for the hospitality industry.
- Lead the team by example and know when and how to support the staff
- Ready to take on ownership of the complete front of the house operations
- Fluent in English; German is a plus
- Minimum of 5 years experience in F&B Management in a 5 star hotel environment

#### FRONT DESK SUPERVISOR

- Previous experience is an asset
- Excellent leadership and team management skills
- Fluent in English with excellent written and verbal communication
- Strong guest service orientation and training skills preferred
- Degree or diploma (preferred in hospitality and/or Tourism Management)

#### HOTEL CONCIERGE / FRONT DESK AGENT

- Preferably with experience in customer service
- Proficiency in English; Italian and/or German is a plus
- Excellent communication skills
- Polite and confident with a great deal of patience
- Ability in multitasking and time-management
- Aptitude in resolving issues with a customer-focused orientation
- High school diploma; degree in hotel management or relevant field will be a plus

#### HR Director & PR

- Lead employee development and training initiatives, to ensure maximum performance in accordance to hotel standards and staff engagement
- Maintain and update HR procedures & stay updated on labor laws and ensure company compliance
- Liaison with accounting on payroll, and other issues
- Interest in community involvement projects & sustainability
- Social Media Marketing
- Organize and host press/journalist visits
- Maintain overview of tech stack, optimize use of current platforms and consider new software and or procedures and oversee implementation with the IT team
- Minimum 5 years leadership experience

Please send your resume by Email: jobs@bucuti.com or Fax: 582-5272 or Call: 583-1100 ext 136 for appointment. Before applying, please register at DPL



# Clasificado Economico

**PERSONAL GRATIS MX 20 PALABRA- TA ACEPTA AVISO FOR DI 9:00 AM -4:00 PM  
PASA LAGA BO AVISO NA OFICINA DI BON DIA ARUBA WESTSTRAAT #22**

<b>SERVICIO PUBLICO</b> PC specialist ta drecha laptop, desktop, elimina virus, riba OS Linux, y Windows tur version <b>Tel. 561 2545/561 1761</b>	<b>TA BENDE</b> Cuminda Criollo calco stoba cu arroz y banana, comcomber stoba cu rabo Deja Vu Cafe & Lounge Cayena Mall Caya G.F. Betico Croes 22 <b>Tel. 561 1089</b>	<b>SERVICIO PUBLICO</b> Buscando auto pa huur y na bon prijs? yama nos <b>Tel. 593 9953/ 593 8453</b>	<b>SERVICIO PUBLICO</b> Figuera Yard Service Nos ta chapi, corta y planta mata, brinda tur servicio cu bo cura mester. Tira sushi afo, tur esaki na un super bon prijs	<b>TA BENDE</b> Cadillac Escalade preto año 2007 prijs \$10,900 <b>Tel. 739 9191</b>
<b>SERVICIO PUBLICO</b> Gran Feria di Fruta y Verdura na Rococo Plaza diahuebs, diabierna y diasabra 3 or te cu 8 or anochi . Tur siman	<b>SERVICIO</b> Unified One Events Photos , films, wedding <b>Tel. 749 2533</b>	<b>SERVICIO PUBLICO</b> Handyman pa tur trabou di verfmto, plumbing tuberia, chapi, limpieza di cura, drecha mata. contact. <b>Tel. 568 3728</b>	<b>SERVICIO PUBLICO</b> Construction remodelacion di cas, traha cas, apartment, traha y drecha dak, electricidad, verf pega mosaico, traha cura, plomeria. Bon prijs <b>Tel. 593 3141</b>	<b>SERVICIO PUBLICO</b> Ta haci tur trabou di construccion y carpinteria y tur cos cu ta furamento di stul <b>Tel : 746 0518</b>
<b>SERVICIO PUBLICO</b> ta yuda busca cas pa cumpra of huur <b>Tel. 563 1449</b>	<b>TA BENDE</b> Un frigidaire mediano den perfecto condicion awg125 <b>Tel. 585 6674</b>	<b>SERVICIO PUBLICO</b> Barata Barata Nos ta chapi, lanta sushi, spuit veneno, corta mata, na bon prijs Arubiano balente <b>Call 592 5766</b>	<b>TA BENDE</b> gordura di mushroom, bo cumpra 10 saco nos por delivery Fls.7.50 pa un <b>Tel.594 2380</b>	<b>TA HUUR</b> Apartment den vecindario di Pos Chiquito, full muebla pa max 2 persona <b>Tel.592 6657</b>
<b>TA BUSCA</b> Un señora pa limpieza di cas cu propio transporte, uno of dos bez pa siman am of pm (Paradera) <b>Tel. 587 2357</b>	<b>TA BENDE</b> un cas na Rasmijnstraat, San Nicolas di 3 camber y 2 baño Afls.350.000 yama <b>Tel. 593 6318</b>	<b>TA HUUR</b> Apartament -camber-cushina-sala-banjo. Entrada priva, Madiki 67 - 750 pa luna+borg excl.utilidades <b>5832034/5930769/5933514</b>	<b>GRATIS</b> Nos ta piki tur sorto di auto bieu, gratis. Tambe airco, bateria, stoof, wasmachin, frigidaire etc <b>Tel. 561 4297 / 561 5179</b>	<b>TA BENDE</b> Nissan Almera 2010 low mileage, automatic <b>Tel.593 7118</b>
<b>TA BENDE</b> un trailer di 30 pia pa 21.500 (taxatie 33.000) un trailer chiquito pa 5.200. Tur dos pa 25.500 <b>Tel. 592 9246</b>	<b>SERVICIO PUBLICO</b> Master Nails Pa e miho servicio y experiencia den mantencion y atencion pa bo huñanan. Yama pa un cita <b>Tel. 744 9214</b>	<b>SERVICIO PUBLICO</b> Mi ta ofrece servicio di electricista, electricidad en general, problema cu corto circuito y mantencion <b>Tel. 566 5026</b>	<b>SERVICIO PUBLICO</b> Masaje relajante, sports masajes, aroma terapia, piedras calientes, reflexologia, faciales Sabana Basora # 157 P.Ch. <b>Tel. 561 8520</b>	<b>SERVICIO PUBLICO</b> Se ofrece servicio de reparacion e instalacion de aires acondicionados Split e industrial tambien reparamos frigidaire, cuartos frios y fabricantes de hielo <b>Tel. 600 0750</b>
<b>SERVICIO PUBLICO</b> Ta ofrece pa verf y chapi cura bon prijs. Nos ta hiba e sushi. Yama pa mas informacion na <b>563 4828/5679610</b>	<b>TA BENDE</b> Diferentes muebles. Por contact <b>Tel. 592 9246</b>	<b>SERVICIO PUBLICO</b> Dama habla ingles ta busca trabou domestico sea part time of full time cu papel legal pa traha <b>Tel:745 2568</b>	<b>TA HUUR</b> Bachi pa tur ocasion <b>Tel. 749 2533</b>	<b>TA BENDE</b> Nice Hyundai Getz 2007 Standard (Manual) AC - Den bon condishon y bon Equipa. Awg 5.600,00 Cell: 745 0440
		<b>TA BENDE</b> un cama kingsize cu 2 mesa di anochi y 2 lampi yama <b>Tel. 594 2698</b>	<b>TA HUUR</b> 1 apartment full muebla camber, baño, cushina y sala. Entrada priva Fls.850 pa luna, coriente y awa apart. Madiki <b>Tel : 593 0769 / 583 2034/ 593 3514</b>	<b>TA BENDE</b> Hyundai Sonata 2016 very low miles Almost New Prijs Afl.44.000 ganga Prijs negotiable (finance posible) <b>Tel. 594 4731</b>

**ABONA PA SOLAMENTE AFL. 38,- PA LUNA Y RICIBI TUR DIA BO CORANTNAN PREFERI**

**MAS CERCA DI BO!**



**Yena aki bao e siguiente informacion**

Telefon

Number completo: .....

Adres di entrega: .....

Adres di cobranza: .....

Pago Adelanta:

☐ 3 Luna

☐ 6 Luna

☐ 1 año

- ☐ Cobranza na Cas.
- ☐ Cobranza na Trabao.
- ☐ Paga via Banco (Standing Order) Aruba Bank no:33266.8
- ☐ Paga Aruba Bank ABO ONLINE .
- ☐ Paga CMB ONLINE .
- ☐ Personal na oficina di Bon Dia Aruba.
- ☐ Pone den Box.
- ☐ Tira den Cura.

**Yama na telefon: 582-7800 of manda un email na [accounting@bondia.com](mailto:accounting@bondia.com)  
[www.bondia.com](http://www.bondia.com)**



*Plataforma Hobennan Profesional:*

## 'You are fired!'- Retiro 'op staande voet'

**ORANJESTAD** - Un trahado por wordo confronta cu e situacion unda cu e ta wordo retira inmediatamente pa causa di un motibo urgente (dringende reden). Esaki por tin como consecuencia cu e relacion laboral entre dunado di trabou y trahado ta termina al instante.

Ta importante pa e dunado di trabou ta na altura cu tin leyman cu ta aplicabel riba e scenarionan aki. PHP a tuma nota cu retiro 'op staande voet' ta sosode cu hopi frecuencia. Pa e motibo aki, nos lo elabora den liñanan grandi tocante e topico en cuestion.

Na momento cu e dunado di trabou termina e relacion laboral cu su trahado al instante, esaki por tin consecuencia devastador pa e trahado. E trahado por keda den un posicion vulnerabel financieramente y cu stress emocional. Pa e motibo aki, retiro a causa di un motibo urgente ta regla den ley. Artículo 7A:1615O inciso 1 di nos codigo civil ta menciona tres criterio importante.

Principalmente mester tin:

1. Un motibo urgente (dringende reden) pa retira e trahado;
2. E trahado concerni, mester wordo avisa dibiha tocante e motibo di retiro;
3. E retiro mester sosode di forma inmediato.

Un motibo urgente (dringende reden) pa retira e trahador.

Un motibo urgente (dringende reden) den sentido di artículo 7A:1615 P, ta un accion, cualidad of conducta di e trahado, cu tin como consecuencia cu no por existi di e dunado di trabou pa continua e relacion laboral. Artículo 7A:1615P inciso 2 ta menciona un lista no limitativo di motibonan urgente cu por resulta den un retiro al instante.

Motibonan cu por wordo considera urgente segun ley ta, entre otro:

- na momento cu un trahado maltrata su coleganan of dunado di trabou;
- na momento cu un trahado descuida su obligacionnan laboral na un manera inaceptabel;



- na momento cu e trahado haci su mes culpabel di ladroncia na pia di trabou;
- na momento cu un trahado intencionalmente ta expone su mes y otro nan na peligro na pia di trabou;
- Na momento cu e trahado no ta apto pa, ni capacita pa eherce su trabou.

Tu e lokenos a cab'i menciona por wordo considera como motibonan urgente pa retira e trahado inmediatamente. Nos kier enfatisa cu e circunstancianan specifico di e caso ta determina si tin un motibo urgente pa retira e trahado inmediatamente.

E trahado concerni, mester wordo avisa di biaha tocante e motibo di retiro

E dunado di trabou ta obliga pa avisa e trahado tocante e motibo di su retiro al instante. Esaki por sosode verbalmente of por escrito (por ehempel un carta formal). Si esaki sosode por escrito, e carta mester ta di tal manera formula cu e trahado por compronde kico ta e motibo pa su retiro inmediato. Esaki ta duna e trahado e

oportunidad pa por evalua si locual e ta wordo acusa di dje ta corecto. Ta importante pa e dunado di trabou ta consciente cu unabes e avisa e trahado tocante e motibo di su retiro al instante, esaki no por wordo ahusta of añadi mas motibo.

E retiro mester sosode inmediatamente.

Dunado di trabou mester retira e trahado inmediatamente, despues di e incidente of accion di e trahado. Si e dunado di trabou laga dia(nan) transcuri, esaki por duna un indicacion cu e motibo no ta urgente. Den bista di Corte di casacion, e ta aceptabel cu e dunado di trabou por tuma algun dia pa haci e investigacionnan necesario of adkiri conseho huridico pa asina e por tuma un decision responsabel y corecto.

Otro factornan determinante relaciona cu retiro 'op staande voet'

Den e caso Hema, Corte Supremo a subraya cu tin otro aspectonan cual tambe mester wordo tuma bou

consideracion ora ta trata di un retiro op staande voet. "Pa evalua e pregunta si por papia di un motibo urgente pa retiro inmediato, mester considera e circunstancianan di e caso en combinacion cu circunstancianan personal. Bou di e circunstancianan personal aki por cay, entre otro, e persona su edad y e consecucionan cu e retiro por tin pa e trahado (por ehempel consecucionan financiero)."

Plataforma pa Hobennan Profesional (PHP) ta spera di por a informa e dunado di trabou y trahado un poco mas tocante e tema aki. Den nos comunidad 'retiro op staande voet' ta sosode cu demasiado frecuencia. E dunado di trabou mester ta mas cauteloso na momento di retira su trahado inmediatamente a causa di un motibo urgente. Den ley tin tres criterio hancra cu e dunado di trabou mester tene na cuenta, prome cu tuma e decision pa retira e trahado inmediatamente a causa di un motibo urgente (dringende reden). Si acaso e criterionan

menciona no wordo teni na cuenta, esaki tin consecuencia legal pa e dunado di trabou. Logicamente cada caso ta depende di nan circunstancianan specifico. Ta recomendabel pa tur dunado di trabou pa busca conseho huridico prome cu tuma e decision drastico di retira e trahado al instante. PHP kier recorda comunidad cu t'ey tur diasabra na Cas di Partido AVP pa informa pueblo tocante temanan manera esaki y hopi mas.

Scirbi pa:

Studentenan 3er aña di Facultad di Derecho na Universidad di Aruba  
Autor: Wendrick Cicilia  
Co-autor: Gerick Croes





## Cuerpo Policial Aruba a ricibi 24 vehiculo policial Isuzu MU-X

MACUARIMA - Den un ceremonia special na Garage Centraal na Sabana Blanco, Cuerpo Policial Aruba a ricibi 24 vehiculo policial nobo. Den presencia di Alto comisario Andrew Hoo, Vice Presidente di Isuzu Internacional Kentaro Yamamoto, Marketing Manager Rodney Kock, comisario di diferente departamento y agentenan di diferente distrito, a presencia e acto special di e autonano nobo pa surveillance dienst. Despues di un destaho publico y a pasa pruebanan y screening nan necesario Garage Centraal Aruba cu e auto marca Isuzu MU-X a keda scogi, segun un comunicado di polis. Door di specialistanan di KPA mes cu condicion nan estricto a scoge e Isuzu MU-X pa surveillance dienst. Un vehiculo moderno y ekipa specialmente pa KPA. For di man di Rodney Kock di Garage Centraal Aruba, a haci e traspaso oficial di yabi pa Andrew Hoo, Alto Comisario di Cuerpo Policial Aruba, y na su

turno a duna e yabi na man di Irma Gordon, comisario di surveillance dienst. Cu un brindis special den presencia di sr. Yamamoto, kende cu a keda impresionado cu un isla chikito manera Aruba, cu su organisacion policial a scoge e marca renombra Isuzu pa ta e vehiculo policial. Sra. Gordon tabata tin e honor pa cende e Isuzu MU-X y cu zwaailicht y sirena; e vehiculo policial nobo aki a sali for di Garage Centraal Aruba pa asina por cuminsa patruya nos isla. Cu e adkision nobo aki, cada distrito a ricibi nan flota nobo. Oranjestad ta ricibi 6, Noord 6, Santa Cruz 5 y San Nicolas 5 vehiculo policial. Cuerpo Policial Aruba lo sigui eherce trabounan grandi pa asina mantene e organisacion policial bon ekipa. Mas blauw riba caminda, mas herment pa nos agentenan por traha cune. Nos agentenan awo tin un vehiculo policial adapta y cu por core riba e camindanan mas dificil pa por brinda asistencia policial, e comunicado ta finalisa.



### **AANKONDIGING:** **Openbare Verkoop** **Vindishi**

op Vrijdag, DERTIGSTE (30<sup>ste</sup>) NOVEMBER 2018, om 11:00 des voormiddags, zal door ondergetekende, deurwaarder voor burgerlijke zaken bij het Hof van Justitie van Aruba, Curacao, Sint Maarten en van Bonaire, Sint Eustatius en Saba, en bij het Gerecht in Eerste Aanleg van Aruba, worden overgegaan tot de openbare verkoop van:

Negen (9) Auto's:

1. merk: KIA, model: Sportage, type: LX, bouwjaar: 2016, wit, autom., full eq.;
2. merk: Mitsubishi, model: L-200, bouwjaar: 2015, dbl cabin, wit, standard, diesel;
3. merk: Chevrolet, model: Trax LT, type: SUV, bouwjaar: 2013, autom, full eq.;
4. merk: KIA, model: RIO, type: Sedan, bouwjaar: 2015, blauw, automatic, full eq;
5. merk: Mazda, model: 3, bouwjaar: 2011, automatic, full eq.;
6. merk: KIA, model: Picanto, type: HB, bouwjaar: 2013, grijs, automatic, full eq.;
7. merk: Nissan, model: Tiida, type: Sedan, bouwjaar: 2011, donkergrijs, automatic, full eq.;
8. merk: HYUNDAI, model: Accent, type: Sedan GLS, bouwjaar: 2015, autom., full equipm.
9. merk: BYD, model: F3, type: Sedan, bouwjaar: 2014, autom., full equip.;

Voorzeggende auto's zijn te bezichtigen (1) een uur voor de verkoop op het adres te L.G. Smith Boulevard #124, achter (voorheen) C.M.B. Insurance Division bij de parkeergarage, en zal aldaar worden verkocht bij opbod en tegen gerede betaling. Voorwaarden: "As is where is"

B.R. Roos Gerechtsdeurwaarder  
Tel: 5880181



# Bus a dal den dos auto na Palm Beach



**ORANJESTAD** - Diaranson merdia na e crusada di Palm Beach na e luznan di trafico pariba di Mc Donald's, un bus su brake lo a faya y causa cu a dal den dos auto.

Pa motibo di e impacto, un di e autonan a keda pega na e porta. Esaki a haci cu ningun persona aden no por a Sali, y cu ayudo di pickup policial, via un bentana unda e bus no tin glas, a saca e turistanan un pa un.

Na final cu tur hende a baha, e turistanan a gradici e oficial cu a yuda nan pa nan no keda den e calor sinta y otro bus a yega pa busca nan.



## Dos auto a dal den otro na crusada pa falta di preferencia



**ORANJESTAD** - Diamars merdia na e crusada di Rudolfarendstraat y Weststraat a keda registra un accidente pa falta di preferencia.

E accidente a tuma luga unda un Hyundai van a subi caminda dal den un Chevrolet. Ambos auto a keda basta kibra, pero un chauffeur a keda levemente herida. Polis di trafico tabata presente pa tuma dato y a notifica ambulance, cu a presenta pa atende cu e victima.

### Banco di Seguro Social Aruba **CAMBIO CONTROL DI EMPLEADO PUBLICO NA SVb EAGLE**



Entrante diabierna 30 november 2018 Empleadonan Publico cu tabata ricibi control na Van Leeuwenhoekstraat (Ex-BGD), ta bay ricibi control na sucursal nobo di SVb den Sun Plaza, Lloyd G. Smith Blvd 160. Dokter di control ta situa unda tabata consultoria di dr. Lily Beke, situa na e parti abao meimei di Sun Plaza.

Empleadonan publico cu tabata controla na Ex-BGD por acudi na e balie entrante diabierna 7:00 AM.

**Empleadonan publico cu ta traha den onderwijs ta keda ricibi control na nos sucursal na Eagle.**

Empleadonan publico cu ta ricibi control na San Nicolas y tur empleado cu ta traha den Sector Privado ta keda ricibi control na e mesun sucursalan di SVb.



## Reino Uni: Lo no beneficia di Brexit, menos ainda di Brexit sin acuerdo

(BBC) – Reino Uni lo ta mas pover bao di cualquier forma di Brexit, compara cu keda den Union Europeo, asina un analisis nobo d gobierno ta sugeri. Cifranan oficial ta bisa cu economia di Reino Uni por termina 3,9% mas chikito despues di 15 aña bao di e plan di Brexit di Theresa May, compara cu keda den Union Europeo. Pero un salida sin convenio cu e Union, e ‘no-deal Brexit’ por yega na un caida di 9,3% di economia, segun e calculacionnan nobo. Sin embargo, e documento di 83 pagina segun BBC no ta duna un proyeccion di e efecto di e deal di gobierno. Envez di esey, e ta analisa e potencial impacto di propuestanan acorda pa e gabinete na Chequers na luna di juli,

cu ta e base di e actual propuesta. Prome minister Britanico, Theresa May, ta bisa cu su deal ta e miho cu ta disponibel pa empleo y pa economia. “Nos deal ta e miho deal disponibel pa trabao y pa economia, cu ta permiti nos honra e referendum y realisa e oportunidadnan di Brexit,” Sra May a bisa na momento di contesta pregunta den parlamento. Sin embargo, e deal cu gobierno a cera cu Union Europeo ta enfrente un votacion dificil den Camara di Representante (House of Commons) dia 11 di december proximo. Prome cu ta asina leu, May ta haciendo gira den henter e pais pa promove su deal y tabata ayera na Escosia cu e obhetivo aki.



## Senado Mericano ta vota pro accion contra Saudi Arabia



(AP) – Despues di interrogacionnan intensivo di diferente funcionario di gobierno Mericano, entre nan Secretario di Estado Mike Pompeo y secretario di Defensa James Mattis, Senado a sigui cu un mocion pa continua cu legislacion pa termina e participacion di Merca den e

guera na Yemen, cu e aliado Arabia Saudi ta dirigi.

Cu un votacion di 63 na favor y 37 contra Senado a desea di duna un señal fuerte na e regimen Saudi, pa e asesinato di e periodista Jamal Khashoggi. Ta trata di un votacion inicial cu ta habri porta pa debate

otro siman.

Secretario di Estado Mike Pompeo a conta senadornan cu interesnan nacional di seguridad di Estadonan Uni ta den wega, si e organo legislativo considera un resolucion pa para envolvimento di Merca den e guerra na Yemen. Den observacionnan cu el

a prepara pa un briefing di Senado cu porta cera diarason, Pompeo ta bisa cu esfuersonan diplomatico pa termina e guerra ta na caminda.

“E sufrimento na Yemen ta haci mi tristo, pero si Estadonan Uni no tabata involvi, anto cos lo tabata hopi pio.” Pompeo a bisa.

E mensahe ey no tabata suficiente pa para e senadornan, cu ta sinti nan mes incomodo cu e respuesta di Merca pa cu Arabia Saudi, despues di e asesinato di e periodista Jamal Khashoggi. Cas Blanco mientras tanto a emiti un menasa di veto pa un posibel resolucion di Senado, despues cu Pompeo y Mattis a caba di informa e senadornan. Lider di mayoria den Senado, Mitch McConnell a bisa cu “algun tipo di respuesta” ta necesario di banda di Merca pa e papel di e Saudinanan den e horendo morto di Khashoggi. Mientras funcionarionan di inteligencia Mericano a conclui cu e principe heredero Mohammed bin Salman, por lo menos tabata na altura di e plan, e conclusionnan di CIA no a bira publico y presidente Trump a laga den duda ta ken tin falta.

McConnell a bisa diamars cu “loke a pasa obviamente, manera basicamente confirma pa CIA, ta completamente repugnante compara cu tur cos cu Estadonan Uni ta considera valioso y ta para p’e den mundo. Nos ta discutiendo kico e respuesta apropiada mester ta.” E mocion pa continua tabatin mester di un mayoria simple pa avansa, pero por habri henter un proceso di amienda, cu lo por dura varios dia otro siman.



## Lupita Gil, boluntario di aña di AOHI Lions



**ORANJESTAD - Recientemente durante Cena di Dia di Danki di Aruba One Happy Island Lions Club, cu a tuma luga na DC9 Zone na Santa Cruz, club a reconoce Lupita Gil como boluntario di aña 2018.**

Lupita a studia den añanan 70 na Breda, Hulanda y durante su estudio e la wordo conscientisa di e balor y importancia di trabou boluntario. Despues di su estudio, Lupita a regresa Aruba y dedica su carera profesional trahando tanto pa departamentonan gubernamental como organisacionnan social y cultural. Organisacionnan manera Unoca, ATHA, CE-DEM, SEPA y Archivo Nacional pa conserva nos heren-

cia cultural y historia oral.

Alabes Lupita tabata y ainda ta miembro di diferente organisacionnan, y ta dedica su tempo pa conscientisa comunidad di Noord y Aruba en general di e importancia di trabou boluntario.

Un di e trabounan importante cu actualmente Lupita ta haciendo den ramo di trabou boluntario ta organisa encuentronan social den bario di Noord. Conhunto cu un grupo di boluntarionan, nan ta organisa actividadnan social, cultural y educativo pa un grupo grandi di personanan di edad den Bario di Noord.

Meta principal di e actividadnan aki ta pa crea encuen-

tronan unda personanan di edad halto por encontra otro den un ambiente placentero, pa asina por crea amistadnan nobo, conserva y engrandece amistadnan existente; y indirectamente combati isolacion di grandinan den bario y tambe mantene historianan oral di antes bibo.

Lupita ta di opinion cu trabou boluntario no solamente ta importante pa un comunidad como Aruba, pero tambe ta reflehá nos estado di consciencia. Nos como comunidad mester reflehá e habilidad cu nos ta un comunidad cu empatia y semper cla pa yuda otro. Trabou boluntario no ta facil y no tin pago, pero e gratitud di e persona cu ta ricibi esaki hopi biaha ta grandi y bo ta wordo paga cu un aprecio y sonrisa.

Lupita su conseho na nos como boluntario di Aruba One Happy Island Lions Club ta:

- Traha responsabel
- Tuma iniciativa
- Traha cu pasion y curason
- Semper keda respetuoso
- Tuma trabou boluntario na serio paso e impacto ta grandi

Si tuma tur e consehonan aki na pecho, nos como boluntarionan por haci un diferencia!



## Miss Aruba a sali rumbo pa Tailandia

**ORANJESTAD - Despues di lunanan di preparacion intensivo, Kimberly Julsing ta cla pa enfrenta e reto na Miss Universe 2018 na Bangkok, Tailandia.**

Miss Universe ta ser cataloga como e Weganan Olimpico den e aspecto di beyesa y na unda mescos cu e atletanan ta prepara yen di esfuerso y perseverancia pa lunanan largo riba e aspectonan mental y fisico pa destaca riba plataforma internacional.

Kimberly durante su dianan na Bangkok ta cambia di nomber di Kimberly pa Aruba, y lo hiba diferente creacion di Endy Croes, Gigliola Gomez y varios cas di moda cu a musta nan sosten na Aruba su reina.

Pa loke ta trata e trahe nacional cu nos Miss Aruba lo luci, Kimberly a hiba un creacion di Carlos Tromp dedica na e Carnavalistanan cu durante henter aña ta crea costumenan fabuloso y muy special pa celebra Carnaval 65.

Unda un Arubiano ta destaca y mas ainda pone Aruba su nomber riba rednan social rond mundo y den prensa internacional, nos mester sigur apoy'e y sostene pa su gran trabou.

Final di Miss Universe 2018 lo tuma luga dia 16 di december na Bangkok, Tailandia.

## Minister Dangui Oduber:

### 'Hunto cu nos embahadornan turistico na AHATA Excellence Awards'

**ORANJESTAD - Minister di Turismo Salubridad Publico y Deporte Sr. Dangui Oduber tabata presente na AHATA su Excellence Awards 2018.**

E bunita ceremonia anual a tuma luga diasabra na The Ritz-Carlton Aruba. Den e ceremonia aki ta honra e personanan cu ta sobresali den servicio den e sector turistico. E sector turistico ta sostene 88% di e economia (GDP) di Aruba.

E anochi aki a saca ganadonan den 6 esta categoria: Empleado di Aña, Supervisor di Aña, Manager di Aña, Hoben Profesional di Turismo di Aña, 'Lifetime Achievement Award', y Campeon di Sostenibilidad di Aña. Tabata tin 52 nominado y mester bisa cu tur tabata un ganado ariba nan mes, mirando cu nan ta

wordo scogi for di 10,000 empleado den e sector aki. Aruba a conoce un aña record den turismo y esaki no por ta posibel sin nos embahadornan di turismo. E elemento di suma importancia pa e bienestar di nos economia ta e nivel di servicio personal cu nos ta brinda na e turista. P'esey e premio di AHATA's Excellence Awards ta di sumo importancia, segun e mandatario.

E ganadonan di e AHATA Excellence Awards tabata Berlinda Engelhardt, como Empleado di Aña, Shemuel Koolman como Supervisor di Aña, Barbara Nieuwmeyer-Bregita como Manager di Aña, Axl Ismail como Hoben Profesional di Turismo di Aña, Nathaly Stanley como Campeon di Sostenibilidad di Aña, mientras cu Beverly Williams Perez a ricibi e ho-



menahe di 'Lifetime Achievement Award'.

Sr. Oduber ta manda palabranan di felicitacion y aprecio na tur e nominadonan y e ganadonan. "Cada un di boso ta contribui grandemente cu

e sector turistico, brindando servicicionan di calidad na nos bishitantenan." Den nomber di pais Aruba, e mandatario a felicita AHATA su team pa haci e evento y tambe na Carribean Mercantile Bank pa haci donacion na Univer-

sidad di Aruba, Facultad di Hospitality & Tourism y na Colegio E.P.I sector HORECA, pa yuda cu educacion di nos futuro empleadonan den turismo.



*Martijn Henriquez - TNO:*

## ‘E parke marino lo ta di Aruba, e ta pertenece na tur hende’

**ORANJESTAD - E parke marino ta pertenece na tur hende, e ta di pais Aruba.**

**Esaki Martijn Henriquez di TNO ta comenta. TNO ta un compania cu ta duna gobierno conseho y demas instancianan riba nivel tecnico.**

Segun un comunicado di gobierno, sr. Henriquez a wordo puntra kico precisamente ta un parke marino, pa cual e ta splica cu un parke marino ta un area di naturalesa proteha pa asina e ecosistema di e luga specifica no sufri mas daño. Na Aruba specialmente, locual cu mas ta protegi ta coral reefs, magrovenan y beachnan unda cu

turtuga ta pone neishi.

E areanan cu a wordo asigna pa e Parke Marino, ta Arikok, Mangel Halto y Seroe Colorado, mirando cu akinan tin concentracion mas halto di biodiversidad. Sr. Henriquez ta conta cu e Parke Marino no a wordo implementa ainda, pasobra gobierno ainda ta trahando riba e regulacionnan y e leynan. Segun sr. Henriquez, asina cu e regulacionnan di e parke ta concreto, informacion tocante e parke lo ta accesibel pa tur hende pa medio di un website.

Lo instala un organisacion cu lo maneha e parke y sigura cu ta respecta e leynan.



## Bucuti & Tara Beach Resort ta celebra aniversarionan

**EAGLE BEACH -** Cu orguyo Bucuti & Tara Beach Resort kier elogia e asociadonan cu a yega cinco aña di servicio cu e resort. Nos ta orguyoso di e dedicacion y fieldad di nos asociadonan y di nan compromiso di ofrece servicio excelente na nos huespednan. Celebrashon di cinco aña di servicio na Bucuti na e luna di november: Cu orguyo nos a celebra e di 5 aniversario di nos

valioso asociadonan Arlyne Thode - Concierge, Bucuti & Tara Front Office Jessica Gomez - Barternder, Sand-Bar at Elements Restaurant Oriana Dubero - Waitress, Elements Restaurant Riba e potret aki por mira e doño Ewald Biemans, e Resort Manager Rik van der Berg y Training & Development Manager Monique Zaandam.



### Advertorial

## Cumpra bo carchi ‘Early Bird’ pa Caiso & Soca Monarch cu Fun Miles

**ORANJESTAD - Aña no a caba ainda, pero hopi di nos na Aruba ya caba ta pendiente pa Carnaval 2019. Un di e eventonan principal di e temporada lo ta ‘Aruba Caiso & Soca Monarch’, cu lo tuma luga for di 4 pa 9 di februari.**

Lo tin carchinan ‘Early Bird’ y na prijs special uzando bo carchi di Fun Miles dia 29 di november proximo. Esunnan cu ta pendiente pa e gran evento aki ta wordo invita pa nan ta super lihe, ya cu e carchinan na prijs special ta limita.

Tocante Caiso & Soca Monarch

E evento espectacular aki



ta Aruba su festival di mas grandi den temporada di Carnaval, y ta presenta Aruba su miho compositor y bandanan, tur lo ta den

competencia pa e titulo di King of Queen di Caiso y soca. E biaha aki carchinan lo ta unicamente obtenibel como pakete. Pa 100 florin,

bo ta disfruta tur anochi- for di e anochi preliminar diana 4, 5 y 6 te cu e gran final riba diasabra, dia 9 di februari.

Si bo ta un ‘early bird’ bo tin bo descuento!

Miembronan di Fun Miles tin suerte. Nan tin e oportunidad pa cumpra nan carchi (pakete) pa 3,750 Fun Miles, of 750 Miles plus 60 florin. Esey ta nifica cu nan lo no paga 100 florin, sino ekivalente na 85 florin. E unico manera pa bo cumpra un carchi den e special aki ta, durante Fun Miles su ‘Early Bird Event’ na Kooyman, riba diahuebs 29 di november proximo di 6pm pa 9pm. Lo bende carchi tanten cu tin

den stock.

Hopi Fun na Kooyman  
Esunnan cu cumpra nan carchi diahuebs dia 29 di november durante di e Early Bird Event na Kooyman lo probecha di hopi descuento mas durante di Kooyman su Shopping Night. Lo tin diferente promocion y tayer cu chens di gana hopi premio. Lo ta super fun cu e Fun Miles Team!

Mas informacion tocante Fun Miles?

Tuma contacto cu Customer Service na 588-9947 of bishita funmiles.net of facebook.com/funmiles.





**BO A HACI BO  
CAS LIMPI**

**Y BO TIN COS  
PA TIRA  
AFO?**

2 DEC NA EX LUCKY STORE, SAN NICOLAS

8 DEC NA CENTRO DEPORTIVO BETICO CROES, ST. CRUZ

9 DEC NA CENTRO DEPORTIVO ROOI AFO, PARADERA

16 DEC NA VELD UNIVERSAL POS CHIQUITO, SAVANETA

ORA **7:00 AM TE CU 1:45 PM**

POR TUMA CONTACTO CU 5245080 PA ASINA REGISTRA ADRES  
SI TIN MESTER DI AYUDO DESHACI DI DESPERDICIO

MANDA NOS UN MENSAHE VIA FACEBOOK  
PA MAS INFORMACION.



BIN TIR'E AFO NA NOS MILIEUSTRAT!

## Fundacion Contra Cancer di Prostaat a tene charla informativo

**ORANJESTAD** - Durante e reunion general di miembresia di Women's Club of Aruba (WCA) pa luna di november, Jurgen Benschop, presidente di Fundacion Contra Cancer di Prostaat, den compania di e miembronan Cesar Angela y Milo Croes a duna un charla informativo tocante cancer di prostaat.

E charla aki ta den cuadro di e 'Movember movement', caminda hopi hende homber ta laga bigoti y barba crece durante luna di november, pa yuda conscientisa comunidad tocante e riesgonan di cancer di prostaat y otro tipo di cancer y malesanan cu ta afecta hende homber. E presidente di e fundacion, sr. Benschop, a acerca WCA pa duna e charla, pasobra e fundacion ta wak e importancia cu e rol di e hende muhenan tin den prevencion di e malesa aki.

Ora un hende homber tin mas of menos cincuenta aña, ta importante pa e haci un chequeo anual pa check e nivel



di su PSA (prostate specific antigen). Un test di sanger ta duna un indicacion di e funcionamiento di e prostaat. Si e nivel ta muestra mas halto cu normal, e dokter di cas por dicidi di laga haci mas test specifico. Ta hopi importante pa haci e control, pasobra ora e pashent cuminsa experiencia e sintomanan, e cancer por ta den un estado avansa caba.

Despues di e informacion tocante e cancer aki, Cesar

Angela y Milo Croes, a duna nan testimonio con nan a ser diagnostica cu cancer di prostaat y kico tur nan a pasa aden pa cu e tipo di cancer aki.

Nos hendenan muhe tambe por yuda e hendenan homber den famia pa ta mas consciente y pidi pa haci nan test anual pa controla. Despues di e charla, presidente Milagros Posner a gradici e fundacion pa nan iniciativa y chairman di rograma, Ursly Silberie, a sigui cu e rifanan manera costumbr.





## Minister Dangui Oduber a duna reconocimiento na S.V. Bubali



**Sint Michaël School  
Christmas Talent Show**

**RAFFLE!**

**WIN PRIZES**

**Dia: 7 december 2018**

**Ora: 6:00-9:00 pm**

**Lugar: Sint Michaël School**

**Entrada: Un sonrisa!**

**Invitadonan special:**

**Ivy Anne Bryson, Eltienne Yarzagaray, Lizienne Webb,  
Angelo Koolman, Richard Dabian &**

**Lo tin diferente obra  
di man na benta!**

**Bar y  
cushina lo  
ta bon  
surti!**

ORANJESTAD - Diamars atardi, minister di deporte Dangui Oduber tabata presente na veld di S.V. Bubali na Noord. Sr. Oduber a haci entrega di un bunita reconocimiento na e directiva di S.V. Bubali den cuadro di nan 75 aniversario, cu nan a cumpli 23 di september ultimo.

S.V. Bubali no ta un ekipo desconoci den e deporte di futbol na Aruba. Bubali a competi den division di honor casi ful su existencia, y a titula campeon na varios ocasion. Sr. Oduber no ta desconoci pa e club ,como cu tempo cu e tabata

mucha, el a hunga futbol pa e orguyo nan di Noord, Bubali y tambe a forma parti di diferente seleccion nan di futbol. Deporte ta tene nos hobennan activo y riba e bon caminda, asina e mandatario a trece dilanti. Como toke di aprecio pa tur e añanan cu S.V. Bubali a dedica na deporte, sr. Oduber a haci entrega di diferente materialnan, manera bala di futbol, pions, net y mucho mas na e club. Finalmente sr. Oduber a manda palabra di pabien y gradicimento na e directiva, y tambe na tur e coachnan cu ta duna tur dia di ora personal pa dedica na nos muchanan.



# Ultimo torneo di ranking di tennis di mesa pa e aña aki



**ORANJESTAD**—Pa Aruba Table Tennis Association, e sistema di ranking ta hopi importante. Esaki pasobra durante cada torneo, e hungadonan ta establece nan posicion mediante mantene puntuacion halto, pa asina esunnan cu sobresali haya e oportunidad di representa e federacion den campeonatonan internacional.

Segun un relato di 297sports, ta mira den e ultimo añanan cu e sistema aki a yuda motiva e atletanan pa haci nan maximo esfuerso, pa asina mehora of mantene un nivel halto y logra ta e number uno den nan categoria.

E torneo di ranking ta cana segun schedule di cada categoria.

Den e categoria U18, Chingho Chung ta actualmente ocupando e prome luga, mientras Jeandry Mathilda e di dos luga, y Jonathan Steven Paredes ta mantene e di tres luga.

Den e categoria di A Klas, na prome luga a keda Mario Lobo, na di dos luga Andy Gomes, y cerando e trio na tercer luga a keda Jeandry Mathilda.

Den e categoria di B Klas, James Letren a logra keda na prome luga, cu Franklin Lopes na di dos luga, y finalmente Wing Chow Leong a keda cu e tercer luga.

E torneo mas importante, esta pa clausura e temporada di 2018 di tennis di mesa, lo inicia otro siman, ora cu e hungadonan lo enfrenta otro durante e Copa Aruba.

Potret cortesia di 297sports.





*Parlamentario Michael Lampe (AVP):*

## ‘Protocol a converti fraccionnan di gobierno den un sprookje’

**ORANJESTAD - Gabinete Wever-Croes a firma un protocol cu ta cuadra cu e tempo di Pasco cu nos a drenta na fin di aña aki, cu ta mostra riba un kerstboom caminda tanto minister president Evelyn Wever-Croes ta tratando di dorna e kerstboom aki, den un forma cu nan por sconde kico realmente nan a firma cu gobierno di Hulanda.**

Parlamentario di fraccion di AVP, Michael Lampe a muestra cu mientras e dos mandatarionan ta trata di colga balanan di kerstboom di tur color, en realidad e kerstboom aki a wordo yena cu bala oranje, ya cu ta gobierno di Reino ta defini kico gabinete Wever-Croes por haci cu placa di Aruba of no.

“Ta tristo pa mira e desaroyo aki, caminda nos por bisa cu e protocol aki ta un confirmacion un biaha mas di loke partido AVP a bin ta bisa pa algun tempo caba, esta cu gabinete Wever-Croes no tin vision ni plan financiero, no tin ni plan di gobernacion, y awor ta Hulanda a probecha di e incapacidad aki pa pasa un protocol cu ta mara e



gobierno aki na man cu pia.

Ta bisto cu tur loke minister presidente cu minister di finanzas a pasa den man di Hulanda, ta pa motibo cu den un aña di tempo, ainda gobierno no tin un benul di kico nan tin cu haci pa atende c’un crisis financiero cu nan mes a fabrica tratando di saca

probecho politico.

Ta un falta di seriedad cu minister di finanzas ta trata di compara dos acuerdo cu otro, caminda e acuerdo cu nan a caba di firma, bou di ningun circunstancia por cuadra cu e acuerdo cu a ser firma pa gobierno di AVP.

Den e acuerdo cu tabata

existi, CAFT lo a desaparece dia 31 di december venidero, ora cu mester a cumpli cu e normanan stipula, cu gobierno di AVP a stipula, pero ora c’un gobierno di MEP den un aña di tempo no por a produci ni un solo solucion, no por a produci ni un ‘financieel economisch memorandum’ manera palabra cu Hulanda, ta mas cu claro cu Hulanda a interveni. Awor na luga di acepta nan fayonan, ta core firma algo caminda gabinete Wever-Croes ta perde su autonomia financiero y caminda ta CFT y gobierno di Hulanda ta dicidi kico Aruba por haci, cua proyectonan Aruba por ehecuta y con e maneho financiero tin cu bay.

E protocol aki cu a wordo firma pa tanto prome minister como minister di finanzas, den cierto sentido ta un sentencia di incapacidad di e propio minister Xiomara Ruiz-Maduro, kende dies dia pasa a sigura pueblo di Aruba cu Hulanda ta contento cu e plannan di su gobierno, pero awor ta resulta cu no tabatin plan.

No solamente e protocol ta mara man y pia di gobierno, pero na mes momento ta practicamente converti

parlamento di nos pais den un tipo di ‘tehuis’ pa legisladonan, cu ta wordo confronta awor cu CFT tin e poder di manda un presupuesto, cu a wordo aproba, bek si CFT ta haya cu esaki no ta na gusto di e comision di supervision of di gobierno Hulandes.

Practicamente por bisa cu e tres fraccionnan cu ta sostene gobierno, ta igual na ‘Sneeuwvitje en de 12 dwergen’ ya cu loke Sneeuwvitje (prome minister) bisa, nan tin cu haci; ya cu prome minister a declara na prensa cu awor cu a caba di firma, ta bay informa parlamento despues.

E situacion actual door di e protocol ta pone cu parlamento por analisa y delibera y discuti riba presupuesto 2019 pa oranan largo, pa dianan largo y na final di cuenta ora cu aproba e presupuesto aki, no ta sigur cu e ta na agrado di CFT of di gobierno Hulandes, ya cu mesun presupuesto por wordo desaproba y manda bek pa parlamento pa gobierno cumpli cu loke nan a palabra den e protocol,” sr. Lampe a declara.

*Parlamentario Edgard Vrolijk (MEP):*

## ‘Ley di LTU mester a conoce cambionan’

**ORANJESTAD - Ayera nos a trata e ley di LTU (Landsverordening Toelating en Uitzetting). Un ley cu sigur mester a conoce cambionan debi cu e no ta cuadra mas cu cambionan cu a bin cu tempo y segun tratadonan internacional, pero e ley hunto cu e maneho hiba e ultimo 8 añanan a haci hopi daño na Aruba y tambe na e hende. Banda di esaki un ley cu tabata carece na un mecanismo di control na su luga debidamente y tambe den hopi area tabata demasiao soepel.**

Ley contamina cu a crea problema

Ora bo analisa y husga actonan di e actornan di pasado y hopi awe ainda ta hunga manera cu nan ta Papa di Roma, pero ta netamente nan mes a contamina e ley y hunto cu ex Minister pa 8 aña a yuda sigui perhudica esun-

nan cu a haya permiso y cu a yega nan limite pa por aplica pa paspoort awendia ta sinta cu problema pasobra nan permiso no tabatin un base legal, mientras cu nan a haci Aruba nan pais y nan yiunan tambe cu awendia ta pega cu mesun problema. Banda di esaki tin un cantidad grandi cu pa falta di administracion y burocracia awendia no por sigui studia afo mientras nan a sigui nan carera completo na Aruba y a cumpli, pero pa falta di un permiso basa riba formalidad nan no por aplica pa naturalisacion. Den pasado hopi di esnan menciona como ehempel a haya prolongacion di e mesun Swiss Model aki di tres aña (mientras cu esaki tabata prohibi y a haya 3 aña di prolongacion) y na momento di cambio di gobernacion a sigui haya nan permiso pasando tur procedura existi pero awo a bin resulta cu e permisonan bao Gabinete Eman no tin base

huridico y cu esaki Hulanda no ta reconoce si no trece cambio mientras mayoria tin mas cu 10 permiso na Aruba y mesun cos nan yiunan.

Cambionan

A kita e Swiss model debi cu for di 2009 e no ta den funcion y tambe e pais di su origen esaki no ta ni aplicabel mas y cu el a ser contamina y no ta cumpli cu standard internacional. Pero esaki no kiermen cu porta a ser habri pa tur hende. E lo sirbi pa corigir erornan di pasado pero tambe marca e proceso nobo, unda cu e ley ta duna hopi espacio pa control, pues mas autoridad na nos cuerponan, e posibilidad pa tin mas criterionan pa hala aden permisonan y tambe a percura pa ontheffing no ta existi mas unda cu Minister di Labor mester haci un bon investigacion y si yega pa duna conseho positivo e exigencia na e compania ta pa por percura pa educa un lo-

cal pa e trabao aki den futuro. Banda di esaki nos a hisa e drempel pa bin Aruba tambe y un ehempel conoci ta cu na momento cu haya permiso y inscribi ta haya AZV, pero den e ley aki e doño tin di paga premie na gobierno pa cubri AZV. Y asina tin mas exigencia y tambe criterionan cu a ser poni y tambe a labora extensamente riba e problematica di matrimonio ficticio cu na e momentonan aki cu e maneho di pasado ta manera hiba awa lama y tambe aki riba ta bin condicionnan pa sigura cu por controla e fenomeno aki.

Minister mester ta bek na parlamento

E ley aki ta existi e minister pa ta bek aki 18 luna pa duna cuenta y e ta sirbi pa evalua con e ley a cana y si mester tin cambionan pa mehora esaki. Y esaki ta netamente e muestra cu nos di parlamento ta tuma e tema aki

hopi na serio y no ta yega vota pa un ley y laga e minister bay haci locual e kier, pero ta netamente locual pueblo a pidi pa controla y percura pa transparencia y ta p’esey e minister mester ta bek aki 18 luna. Nos no tin tempo pa crea panico y hunga populista mientras nan mes ta parti di e problema, pero nos ta busca solucion. Realidad tambe ta cu mientras cu tin trabaonan cu nos mesun hendenan no kier of por haci y alabes cada proyecto ta exige importacion di hende, nos ta haya nos cu e problematica di permiso pero a lo menos e ley aki ta regula esaki miho y alabes tin e mecanismo di control na luga p’asina nos no haya e caos mas di pasado. Como ultimo ta bon pa ora di tratamiento di leyman asina importante pa pueblo sigui esaki y scucha e minister p’asina por ta bon informa y no ser mal informa pa hendenan cu un draaiboek personal.



*Sue-Ann Ras (MEP):*

## ‘Dos di cada cinco hende muhe na Aruba ta victima di violencia domestico’



**ORANJESTAD** – “Na Aruba dos di cada cinco hende muhe ta victima di violencia domestico. Tur acto di violencia domestico ta un problema cu ta encera henter un comunidad y ta afecta cada un di nos”. Esaki parlamentario Sue-Ann Ras (MEP) a bisa, referiendo na estadistica mundial, unda cu 1 di cada 3 hende muhe ta

**bira victima di violencia domestico.**

“Y lamentablemente na Aruba e cifra ey casi ta mescos”, sra. Ras ta sigura. E ta basa su mes riba loke Fundacion Hende Muhe Den Dificultad tin como promedio, ya cu no tin dato recien di esaki, door cu no tin un punto central pa meld y registra e casonan. **Violencia na cas**

E violencia cu nos ta wak of experiencia riba caya, na scol of comunidad, ta cuminsa na cas” sra. Ras ta sigui bisa. No ta solamente e personanan cu ta confronta directamente cu violencia, ta esunnan cu ta sufri, sino esunnan cu ta rond di dje tambe. Especialmente e muchanan, cu ta presencia e actonan aki! E parlamentario a toca e tema aki relaciona cu e hecho cu diadomingo ul-



timo, 25 di november tabata Dia Internacional Contra Violencia di hende muhe y mucha muhe. Y basa riba esaki, Fundacion Hende Muhe den Dificultad a inicia e campaña Orange Aruba pa sigui traha riba conscientisacion di violencia domestico.

alimenticio y desorden mental. Sin laga afo e chensnan pa tin problema di salud; derame cerebral, enfermedad cardiaco, asma y tambe tin mas probabilidad di sufri di e problemanan di abuso di substancia.

### Nace abusado?

Durante e lansamento di campaña, presidente di FH-MDD Suzy Kock a bisa cu nos mester ta consciente cu niun hende no ta nace un abusado ni victima, sino cu e ta bira un abusado. Ta comproba cu e personanan cu ta sufri di violencia domestico, tin mas probabilidad pa sufri di depresion, ansiedad, stress, trastorno di soño y trastorno

Risico di violencia domestico Mundialmente 3 pa 4 miyon di mucha, entre 3-17 aña, ta den riesgo di violencia domestico y ta testigo. “E muchanan cu ta testigo di violencia domestico tin mas probabilidad di ta den un relacion abusivo, ora nan crece, ya sea cu un persona cu ta comete abuso contra nan of cu nan ta bira e abusado” sra. Ras a bisa. Keda pendiente pa un continuacion di e topico aki.

*Parlamentario Endy Croes (MEP) na Marlon Sneek (AVP):*

## ‘Blaffende honden bijten niet’

**ORANJESTAD** - Parlamentario Endy Croes a reacciona riba Marlon Sneek bisando ‘blaffende honden bijten niet’. Por a scucha Marlon Sneek kier trata na splica di cifra, cual en realidad ta su punto debil.

Nos tur por corda con algun luna atras, Marlon Sneek a sinta zwaai cu un docu-

mento di Serlimar gritando furioso den prensa tocante un contracto di 6 luna na Afl 39,000,- y a expresa cu firmesa cu 6 x 39,000 ta suma Afl 2,400,000,-, esta 2.4 miyon florin.

Esaki sinembargo ta leu di ta berdad y aki por a constata cu sr. Sneek un biaha mas ta comete un blunder formal. Mesun dia despues di a

comete e blunder, aki el a bay sinta na Canal 90 y aki kier a pretende cu ta un ‘haas’ el a tira pa wak ken ta come.

Esaki ta ilustra con ‘bobo’ un persona por ta. Sinembargo, no ta prome bes cu sr. Sneek ta comete blunder cu cifra, como cu esaki ta su punto debil. En general, sr. Sneek no tabata haal ni 5 pa rekenen tempo e ta bay school, y esaki ta splica tambe su errornan constantemente den prensa. Esaki ta lanta tambe hopi preocupacion pa yiunan di mama y tata cu por a haya les for di Marlon tempo e tabata meneer di school. Awe por tuma nota cu sr. Sneek kier sigui cu e manipulacion a-la-Mike Eman. Nos tur sa cu sr. Eman ta su mentor y sr. Eman a manipula henter Aruba redoblando asina e debe di e pais aki. No ta pordada sr. Eman ta wordo compara cu e profeta Hananias di

Babilonia, esta un profeta cu a gaña henter un pueblo. Sr. Eman tabata capaz pa convence un hende cu ta hogan-do pa bebe un glas di awa.

Sr. Sneek awe gritando riba Presupuesto 2019 a cuminsa manipula y kier busca muraya limpi pa frega su curpa riba dje awor. Rapportnan di Banco Central a papia cla cu AVP e ultimo 8 añanan a redobla e debe nacional y a surpasa 4 biyon na debe. Tanto CAFT y Raad van Advies ta reconfirma cu interes cu Aruba ta paga awe na 2018 tambe a mas cu redobla y a alcanza 219 miyon den aña 2018 y lo alcanza 230 miyon den 2019 prome cu esaki cuminsa baha den e vision nobo di coalicion. Pues na interes so, na placa cu AVP Mike y Marlon a presta, Aruba ta pagando mas di 600 mil florin pa cada dia. Tristo no? Den e Protocol nobo, Hu-

landa a pone cu siguiendo e herstepad actual presenta e debe nacional lo baha di 90% pa 50% na aña 2039. Pues aki 21 aña! Cuanto di nos lo biba pa mira esaki? Esaki ta danki na e maneho a lo loco y sin gevoel di sr. Eman, sr. Sneek y AVP. Marlon por splica pueblo di e grito di sr. Eman den parlamento cu e ta orguyoso di e debe, y e debe t’ey pa nos tur bay pag’e pa futuro? Sr. Sneek por splica pueblo e dicho di sr. Eman den parlamento cu Aruba lo mester bay djis un tiki mas den rood pasobra no tin otro manera?

Pa e motibonan desastroso aki pueblo a manda boso atras cu mas di 10 mil voto y merecidamente. Sr. Sneek, no bin papia mes di presupuesto 2018 y 2019 awe, pero sinta keto den banki y laga esunnan capaz pa haci e trabou. Sinti e cambio!





*Parlamentario Richard Arends (AVP):*

## ‘Presupuesto cu cumpli cu norma por wordo manda bek’

**ORANJESTAD** - Parlamentario di fraccion di AVP, Richard Arends, a elabora riba e protocol cu a wordo firma diabierna ultimo. Na mes momento a hasi un comparacion detaya y duna e contexto den cua e protocol aki a wordo firma, compara cu e protocol cu a wordo acorda na aña 2015.



Sr. Arends a muestra cu e acuerdonan cu a yega na 2015 tabata regla normanan obhetivo cu presupuesto mester a cumpli cune, como tambe e cuadro legal di e supervision financiero cu a resulta den un ordensansa nacional y creacion di un organo den cuadro di articulo 52 di Statuut cu a wordo nombra CAFT cu su competencia nan anca den ley.

Tabata un acuerdo especificamente entre gobiernonan cu un distincion estricto riba ki

competencianan di Reino versus esunnan di Pais, como tambe te na unda por a yega na acuerdonan cu un otro gobierno den Reino riba asuntonan netamente di Pais Aruba. Aki a tene cuenta cu reciprocidad y interesnan mutuo, parlamentario Richard Arends a splica.

“Nos a traha den cuadro di nos estado di derecho, nos constitucion y di Statuut, y nos a haci uzo hopi di

conhehnan huridico di expertonan, manera Cees Borman y tambe di dr. Mito Croes (dfm). E acuerdo di aña 2015, como tambe e ley actual di supervision financiero LAFT tabata cumpli cu tur requisito di nos constitucion, pero tambe e tabata tin un lugar den e cuadro legal cu Statuut ta duna nos”, sr. Arends a sigui muestra cu awe por tuma nota cu e protocol cu a wordo firma ta contene

condicionnan adicional. Ademas di e normanan anca den ley di supervision financiero, e protocol nobo ta contene condicionnan adicional cu ta duna competencianan adicional na CAFT sin base legal.

No solamente mester yega na normanan nobo, a acorda explicitamente cu colegio di supervision financiero lo duna su recomendacionnan riba con gobierno ta yega na e normanan aki. No por conclui otro cu e efectonan di e acuerdo aki ta mucho mas invasivo cu e supervision nos a conoce for di 2015, sr. Arends a splica.

“Hecho cu gobierno no tin mag di sera acuerdonan di publico-privata un limitacion pa escohencianan politico y di maneho. Proyectonan PPP no ta solamente proyectonan infrastructural of urbano, pero tur otro cooperacionnan publico-privata manera e edificio ‘Manchi Engelbrecht’, unda

Belastingdienst y Directie Financien ta situa, como tambe edificio di ATA y Raad van Advies. E protocol lo prohibi gobierno tambe pa ta sera un acuerdonan cu Monumentenfonds pa rescata monumentonan. E parti mas invasivo, ta cu a acorda ta cu gastonan structural por wordo cubri unicamente cu entradanan structural. Dividendonan, inhaalacties, pagonan cu ta drenta a base di maneho nobo, of entradanan cu no ta sosode tur aña pero si ta logra pa gobierno cumpli cu su metanan, no por wordo uza pa paga gastonan structural di Gobierno, manera salario, contribucionnan na AZV, interes. Entradanan incidental solamente por wordo usa pa cubri gastonan incidental”, sr. Arends a splica. “Irespecto di e signatura politico, ta na cada gobierno pa dicidi con fondonan publico ta wordo aloca, y pa parlamento duna autorisacion y aproba esaki”

*Parlamentario Robert Candelaria (AVP):*

## ‘A benta oportunidad afo pa trata ley di LTU cu mas seriedad y mas eficiencia’

**ORANJESTAD** - Parlamento ayera mainta a trata e ley di LTU despues di no a haya suficiente tempo pa pasa door di e ley aki, mirando su importancia pa cu desaroyonan cu tin riba nos isla, Robert Candelaria di fraccion di AVP a muestra.



“Ta di lamenta cu parlamento a haya e ley di LTU a wordo presenta fin di siman pasa, y un siman despues den oranan tempran di mainta di diamars, nos ta tratando e ley aki.

Bo ta mira cu ta un ley cu nos no a haya tempo pa studia esaki, analisa esaki den un forma mas profundo hunto cu nos partnernan, hunto cu stakeholdernan pa asina percura pa pasa un ley cu ta contene tur cos.

Esaki ta importante pa motibo cu nos tur cu ta bibando na Aruba sa cu e situacion pa cu ilegalidad ta hopi delicado, caminda tur dia por tende di hendenan cu ta purbando di drenta cu boto pero tambe cu arma, cu droga, y awor cu nos

ta hayando un oportunidad asina tremendo pa nos pasa un ley cu ta tene cuenta cu tur factor y tur aspecto di ilegalidad, nos ta haya un ley cu nos tin cu pusha y pasa hopi lihe den parlamento, sin cu a trata esaki den un forma drechi.

Motibo di esaki ta cu tin presion di Hulanda pa algun aspecto cu nan ta haya

necesario pa pasa e ley prome cu dia un di december.

Mi ta kere cu esaki no ta corecto, pueblo di Aruba no merece esaki y no sigur di tur señalnan cu nos ta haya di comunidad, ta asina importante pa nos trata e ley aki pa asina duna e sentido di seguridad mas grandi pa muestra cu nos ta dunando

nos autoridadnan policial, di inmigracion tur autoridad necesario pa nan por haci e control riba nos frontera. Tambe tur esun cu a kedando den forma ilegal riba nos isla, na luga cu nos haci esaki bon y nos haci uzo di e oportunidad aki pa cera tur e buracan, nos ta pushando un ley asina lihe, siendo cu esaki no tabata necesario.

Mi a kere cu loke minister a papia den pasado cu e kier a bin c’un ley holistico, cu ta nifica un ley cu ta traha cu tur otro ministerio; por ehempel si tin mester di trahadonan pa bin Aruba, ki sorto di trahado tin mester, ki sorto di educacion kier pa nan tin, ki sorto di background, cuanto hende, pa cuanto tempo.

Tur esaki ta discusionnan cu nos mester a hinca, por ehempel e aspecto di matrimonio ficticio, e discusion cu tin pa algun tempo caba si mester a bin c’un bestaandsminimum si of no, cuanto e entrada aki ta, si a opta pa un bestaandsminimum, nada di esaki nos por mira bek den e

ley aki.

E presion ta keda mesun cos, e preocupacion a keda mesun cos, e hendenan cu a drenta sin papel na nos costanan, pero tambe pa esun cu a drenta den un forma cu ta parce legal na aeropuerto y na waf, pero cu despues no ta bay bek nan pais, e grupo aki ta sigui crece.

Mi ta haya cu ta di lamenta cu nos a haya un oportunidad na momento di trata e ley aki pa bin cu ley cu ta ekipa nos autoridadnan cu e autoridadnan cu nan tin mester di dje, pa asina tambe nos percura un liña di maneho cla pa esun cu ta pidi un permiso y tambe pa esun cu tin cu traha riba e permisonan, nos ta laga e oportunidad aki pasa bay, djis pa presion di Hulanda.”

Mi a di opinion cu arlamento mester respeta su mes y mester trata di e tipo di leynan aki cu suficiente tempo, cu tranquilidad pa di e forma aki nos bin cu leynan cu berdaderamente nos pueblo merece”, sr. Candelaria a splica.



*Parlamentario Alan Howell (POR):*

## ‘Cambio den ley di LTU ta permiti awo pa Polis detene ilegal’



**ORANJESTAD -** Diamars parlamento di Aruba a trata e ‘ontwerp-lands-verordening tot wijziging van de Landsverordening toelating, uitzetting en verwijdering’, esta e ley di LTU.

Durante e reunion publico, a



atende e cambionan den e ley di admision y expulsion di nos isla y varios punto relaciona cu esaki.

Parlamentario Alan Howell di partido POR, durante su disertacion, a duna un splicacion riba e motibo pakico ta asina importante pa no solamente polisnan uniforma tin e competencia pa detene un ilegal, pero pa tur polis tin e competencia menciona.

Sr. Howell a indica cu polis ta keda polis, sea cu ta uniform of no. Cu tin diferenciacion di polis ta pasobra dentro di Cuerpo Policial nan ta haciendo diferente tipo di trabou, por ehempel, si ta trahando como recherche no ta bisti uniform. “Na momento cu bo a huramenta como polis, bo no a huramenta como recherche, bo no a huramenta como polis di trafico, of como recherche di atraco, b’a huramenta como ‘algemene politie ambtenaar’. Esey ta loke tur hende mester comprende bon”.

P’esey mes el a pone hopi enfasis riba cambio di articulo 33, cu ta papia di solamente di polis uniforma. Teniendo na cuenta e situacion di nos isla, e situacion di ilegal, entre mas man tin, mas herment nos tin y mas forma di traha den union, lo por solucionaria hopi mas problema. Siguiendo e liña aki, sr. Howell a pidi minister di husticia pa haci un cambio den e articulo 33 aki, pa en bes di papia di ‘geuniformeerde politie ambtenaar’, papia di ‘algemene opsporingsambtenaar’.

Parlamentario di POR ta hopi agradecido y orguyoso di minister di Husticia pa scucha su peticion y presenta un nota di cambio di biaha, dunando asina tur polis e autoridad necesario pa detene un ilegal. Sr. Howell ta di opinion cu Cuerpo Policial lo ta contento cu e decision y ta agrega cu di e forma aki partido POR ta sigui haci un diferencia na nos pais.



*Parlamentario Marlon Sneek (AVP):*

## ‘Minister Rudy Lampe no tin respet pa Parlamento’



**ORANJESTAD -** Ta un hecho confirma cu minister di enseñansa no ta respeta decision di parlamento y no ta ehecuta un mocion cu parlamento a aproba pa loke ta su maneho di e sistema di DPS y ta haci loke cu e kier con cu e kier, lider di fraccion di AVP, sr. Sneek a muestra.

Manera cu sr. Sneek ya

caba den pasado a yega di atende minister Lampe riba su intension pa sigui cu su maneho pa pone DPS den un fundacion y awor a bolbe muestra cu e sistema di sr. Lampe ta di no come e pisca den un solo tiro pa tur hende ripara, pero ta cortando e pisa, esta DPS na mochi y poco poco ta anulando e decision tuma pa parlamento riba e particularidad aki.

‘Nos a wordo informa di un

reunion cu a wordo yama diarnanson door di DPS cu esunnan cu ta traha na Tra'i Merdia pero caminda tin cu muestra cu Tra'i Merdia tin su directiva cu ta maneha e grupo aki, caminda ta e bestuur aki DPS mester a sinta cu nan, pero caminda por a mira cu minister ta manda su discipulonan haci esaki.

Durante di e reunion aki, DPS a duna e grupo cu a atende e reunion aki, nan ‘bonus’ di fin di aña, caminda a informa nan tur cu entrante prome di januari 2019, a bisa e ‘huiswerkbegeleiders’ danki pa tur e añanan cu e hendenan aki a inverti den Tra'i Merdia, pero cu entrante januari 2019, no ta bay tin mester di nan mas.

Na mes momento, nan a informa tambe e lidernan di e centro cu entrante prome di januari 2019 te cu 1 di juli 2019, nan lo bay tin mester di nan, nan tabata traha di 2or pa 6or, pero a bira cambia nan orario y durante di e periodo menciona nan tin cu bay traha di 3or pa 5or, pero cu despues di 1 di juli 2019,

no tin trabou pa e grupo aki mas.

Pues maneho straño cu ta tumando lugasin cu sr. Lampe ta informa parlamento y ta di carambola nos ta bin haya e tipo di informacionnan aki y no ta cos cu nos a inventa, pero nos tin e carta cu a wordo entrega na esunnan cu a asisti na e reunion den cual reunion a informa nan cu maneho ta bay cambia. Entre otro, lo bay introduci musica, arte y otro cosnan, y cu nan lo no bay tin e parti di huiswerkbegeleiding mas.

Mi ta puntra mi mes si mayornan, kendenan ta contribui, ya cu mester corda cu Tra'i Merdia no ta completamente gratis ya cu mayornan tambe tin cu contribui, y hopi mayor tin nan yiu na Tra'i Merdia, banda di e desarojo motorico, arte cu nan ta haya, especialmente e parti di huiswerkbegeleiding, awor tur cos ta indica mirando cu ta manda esunnan cu ta duna huiswerkbegeleiding cas,

pues esaki lo no bay tuma luga mas.

Pero tin cu puntra si a papia cu e mayornan, a informa mayornan cu e parti caminda nan yiunan tabata haya huiswerkbegeleiding na Tra'i Merdia no ta bay keda mescos mas.

Pues por mira un biaha mas manehonan ad hoc, maneho dirigi pa manda un grupo di hende casi sin un opzeggingstermijn manera mester ta, y atrobe cu ta mishi c’un structura, di cual for di parlamento a pidi e minister pa no mishi cu esaki pa garantisa cu lo tin continuidad den esaki.

Es mas, hasta a draai un proyecto ‘Nos Atardi’







**Pa medio di esaki famia kier a gradici tur esnan cu di un forma of otro a muestra nan atención y a duna nos sostén durante fayecimento y despedida di nos defunto stima**



**Benito J. Giel**  
Mihor conoci como 'Benny'

**Ta invita famianan, amigonan y bisinjanan pa 3 santo sacrificio di misa cu lo tuma lugar diabierna 30 november 2018 pa 6:30, diasabra 1 december 2018 pa 7or y diadomingo 2 december 2018 pa 6 or na misa Santa Anna na Noord**

**Boso presencia lo ta altamente aprecia**



**Gradicimento**

Na number di su yiu y famia, nos kier a gradici tur cu durante enfermedad semper tatata pendiente di nos mama y oma stima.

Na tur esnan cu na un manera of otro a muestra nos atencion y a compañía nos durante fayecimento y despedida di :



**Sra. Vda Brigida Greta Harms-Nicolaas**

Boso muestra di atencion ta hopi aprecia y ta un gran Consuelo pa nos tur.

Tambe un danki special ta bai na Marita y tur personal di Huize Maris Stella afdeling Aloë pa nan cuido, cariño y atencion duna.

Un danki di curason.



Juan 11:25  
"Hesus a bis'e: "Ami ta e resurreccion y e bida. Esun cu pone fe den mi, maske e muri, lo bolbe biba.""

Cu hopi tristesa nos ta anuncia e fayecimento di nos ruman:



**ANTHONY BENJAMIN CHING**  
28-07-1961 – 27-11-2018

Na number di su rumannan:  
Lena Ching y yiunan  
Michael Ching

Famianan:  
Ching, Anderson, Forbush, Noguera, Kock, De Cuba, Gomes, Ross, Bareño, Arends, Thielman, Vrolijk, Maduro, Quandus, Bindirising, Rieira, Werleman, Geerman, Lacle.

Amigonan di cas:  
Britten, Ras, De Mey, Diaz, Perdomo, Dieckmann, Geerman, Gomez, Rasmijn, Schönherr, Timmers, Boezem, Lampe, Margarita, Arends y tur su rumannan Testigonan di Jehova.

Nos ta invita tur amigo, bisña, conoci, ex colega y Testigonan di Jehova pa:

**ACTO DI ENTIERO:**  
Salon di Reino di Testigonan di Jehova  
Savaneta 337-B  
1 di December 2018  
10:00 a.m. – 12:00 p.m.

**CONDELENCIA:**  
Royal Funeral Home  
30 di November 2018  
7:00 p.m. – 9:00 p.m.

Nos ta lamenta cu despues di entiero nos no por recibi bishita di condelencia na cas.

Disculpa nos si den nos tristesa, nos por a lubida cualkier persona of famia.



Ki alegria, ora nan a bisa mi:  
"Ban cas di Señor"  
y awor ata mi aki para na Bo porta Señor.  
Salmo 122

Cu inmenso dolor na nos curason, pero agradecido pa loke ela nifica pa nos,  
nos ta anuncia cu a bai sosega den brasa di Señor,



**Susana Dijkhoff-Kelly**  
mihor conoci como 'Sanita' of 'Suzy di Suzy's Sweets'  
\* 4 januari 1938 - † 23 november 2018

Na number di:  
su casa: Nicolas Dijkhoff, miho conoci como Jatji  
su yiunan: Germaine y Eddy  
Michael y Sandra  
Yvette y Hennie  
Alexander y Ana

Su nieta- y nietonan na:  
Aruba: Evelyn y Jean-Carlo; Randall y Hilyann Marilyn  
Xander, Arvice, Alexander, Christine  
Hulanda: Natasha, Jennifer y Francisco, Michelle y Jorick, Michael jr. y Marilyn

Su bisanieto y bisanietanan:  
Jeannick y Evah, Maricella

Su rumannan:  
† Cristobal y † Sylvia Kelly-de Mey  
† Mario y Agripina Kelly-Frometa  
Pablo y † Lucia Kelly-de Cuba  
† Willefrido y † Maria Kelly-Arends  
Jacinto y † Lilly Kelly-Bueno  
† Martina y † Marcelo Ramos-Kelly  
† Elio y Maria Kelly-Boekhoudt

Cuñan: Maria Dijkhoff  
Mani Willems  
Ayudantenan: Osly Castillo y Liliana Velasquez  
Sobrina- y sobrinonan na Aruba y Hulanda: ihanan: Jeanette Boezem-Kelly, Ceferino Kelly  
Dr. Yvette Morales-Thuis; Verzorgers di Wit Gele Kruis;  
bisiñanan: Tim y Carol Croes, famia Morales, famia Dirks, famia Maduro, famia Boekhoudt; y famia y conocirnan di Wayaka 71;

Demas famia: Dijkhoff, Kelly, Prins, Croes, Pereira, Yarzagaray, Ras, Luidens, Hoevertsz, de Mey, de Cuba, Arends, Ramos, Willems, Bueno y demas famia na Aruba y Hulanda.  
Ta invita pa e acto di entiero cu lo tuma luga diahuebs 29 november 2018 di 1.30 pa 3.30 di merdia na misa San Juan Pablo II na Tanki Leendert y despues saliendo pa Santana Catolico na Playa.  
Oportunidad pa condolencia: diaranson 28 november di 7 pa 9or di anochi na Aurora Funeral Home.  
Disculpa nos si den nos tristeza nos por a lubida famia of amistad.  
Despues di entiero no ta ricibi bishita di condolencia na cas.





It is with deep sorrow, but peace, that we announce the passing of:



**George W. B. Manning Jr.**  
'Jorgito' 'Abuelito' 'Guapo'

He died peacefully at home in Oranjestad, Aruba on November 25 2018 at the age of 87.

Sunrise: August 17, 1931 (Santiago, Chile)  
Sunset: November 25, 2018 (Oranjestad, Aruba)

God grant me the Serenity to accept the things I cannot change;  
The Courage to change the things I can;  
And the Wisdom to know the difference.

George is survived by his wife Bernadette, children, grandchildren and great grandchild; Caitlin (Francesca Halloul), Annabel (Sonia), Yolande, Barbara (Silvia, Troy), George (Grace, Katherine), Alexandra (Vanessa, Holly, Eva, Mark) and his step-children Mario, Ashiko, Toby. He is preceded in death by daughter Tamsen, and sister Marcia.

He is remembered for his dedication to family, sense of humor, generosity, and compassionate nature. He left a lasting impression in the community and will be mourned by the many people who benefited from his support.

A wake is scheduled for Wednesday, 28 November 2018 from 7:00PM to 8:30PM at Royal Funeral Home. The following morning, 29 November 2018, there will be a funeral service from 10:15AM to 11:00AM. In lieu of flowers, please send donations to Cas Marie, Savaneta 532-A. The family would like to thank Yam, Panka and Geraldine for their care and dedication.

We will not be receiving any visitors at home after the service.



“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil,  
Pa mi bolbe haña forsa”.  
Salmo: 23

Cu hopi tristesa pero conforme cu boluntad di Dios nos ta anuncia cu a bai laga nos den brasa di Señor:



**Susanita B. Flanegin**

Mihor conoci como ‘lucia’  
\*06-09-1945 - †19-11-2018

**Na number di su:**

**Tata:** †Isaac Flanegin

**Mama:** †Simona Flanegin-Hermus

**Rumannan:** Fabian Flanegin na Hulanda  
Juanita, esposo y yiunan  
Denchi Flanegin & famia na Hulanda  
Sebastiana Flanegin  
Bruinburg, esposo & famia na Hulanda  
†Goy Flanegin  
Juanicito Gomez & yiunan  
Mai  
†Harmonica Flanegin  
†Amada Flanegin

**Sobrino(a)nan na Aruba & Hulanda**

**Sobrino & Iha: Fernando Vrolijk (Nanado)**

**Primo & primanan**

**Swanan, comer & compernan**

**Cuñia stima:** Chichi Ridderstap

**Ihanan**

**Demas famianan:** Flanegin, Ridderstap, Hermus, Vrolijk, Florencio, Gomez, Werleman, Peña, Rosel, Carolina, v/de Berg, Kock, Willems, Maduro, de Cuba, Dirks, Dabian, Bruinburg, Web

**Ta invita a acto di entierro cual lo tuma lugar na Aurora Funeral Home diabierna 30 di November 2018 di 2or pa 4or di atardi. Despues lo sali pa Santana Catolico na Sta Cruz.**

Lo tin box disponibel pa un bon causa pa un cas di grandi “Stichting Cas Marizul”.

Disculpa nos si den nos tristesa nos por a lubida algun famia of conócir.



**Drenta su portanan cu gradicimento, drenta su tempel cu cantica di alabansa, glorific’e, bendiciona su Number.**  
Salmo 100:4

**Cu dolor na nos curazon nos ta anuncia fayecimento di:**

**Maria Dirksz**

Mihor conoci como ‘Tanchi Ia’  
\*02-05-1953 – †15-11-2018

**Na number di su:**

**Mama:** †Sra. Hilda Dirksz Willems

**Tata:** †Francisco ( Titichi) Dirksz

**Rumanan:** Pina y Thomas Peña  
†Lindo Dirksz

Jany y Magriet Dirksz Boekhoudt

Nico y Elma Dirksz Croes

Lucia y Oswin Felipa Dirksz

†Juan Dominico Dirksz

Margo y Bienvenidao Alberto Dirksz

Josito Dirksz

Joselito Dirksz y famia

**Madrina y padrino**

**Ihanan:** Raisa Dirksz y Thaina Felipa

**Tanta y Omonan:** Ocando Willems  
Dolorita Willems

†Ricardo y Regina Dirksz y famia

†Isildo y Dolly Willems y famia

†Brigilio y Glenda Willems y famia

†Aida Willems y famia

†Agrepita Willems

**Tanta grandi:** Johanita Willems y famia na Corsow

**Omo grandi:** †Marciano Willems y famia

**Sobrino(a)nan:**

Raymond Tromp y Cheyenne de Kort y famia

Raynald Tromp y Rosa Rodriguez y famia

Mila y Rene Vrieswijk y famia na Hulanda

Ranushka Dirksz y famia

Raisa y Francis Arends y famia

Jeritza y Renato Solognier y famia

Jercik y Simone y famia na Hulanda

Undina Felipa y famia

Thaina Felipa y Clayton Raven

Marvin Alberto y famia

Igor Alberto y Eveline Koolman

Juriane, Joyce, Joshua Dirksz

**Primo y primanan.**

**Ex colega nan di La Linda NV**

**Amigo nan di cas :** Dora Ras, Urick, Chichi

**Pelukera:** Nuris

**Demas famia:** Dirksz, Willems, Albert, Angela, Wernet, Ras, Helder, Vrolijk, Dabian, Peña, Stamper, Geerman, van der Biezen, Flanegin, Tromp, Boekhoudt, Croes, Felipa, Alberto, Maduro, Campo, Deluvia y demas famia y conócir.

**Ta invita pa acto di entierro cual lo tuma lugar na Royal Funeral Home diabierna 30 di november 2018 di 2or pa 4or di atardi. Despues lo sali pa Santana Catolico na Sta Cruz.**

**Condolencia lo tuma lugar na Royal Funeral Home diahuebs 29 di november 2018 di 7or pa 9or di anochi.**

**Disculpa nos si den nos tristesa nos por a lubida algun famia of conócir**





Ki legria, ora nan a bisami  
"Laga nos ban cas di Señor!  
Awor, ata mi aki, para na bo  
portanan"

Cu honda pena pero conforme cu boluntad di Dios,  
nos ta anuncia fayecimento cristianamente di mi  
esposo, nos tata, welo, omo y ruman stima:

## Señor Rigoberto Dirksen

Mihor conoci como Jani 'Dr. Worst'  
\*24-01-1959 - †24-11-2018  
Propetario di Janis General Contractor

### Na number di su:

**Esposa:** Ana "Nichi" Dirksen-Werleman  
**Mama:** † Petra Maria Dirksen  
**Tata:** † Lourens Dirksen  
**Yiunan:** Sharisse Dirksen y Jaider Lo-Fo-Sang  
Jayrard Dirksen  
Annemary Dirksen y Bryan Dirkz

**Manera yui:** Omar Kelly  
**Nieto(a)nan:** Jean-Luis Lo-Fo-Sang  
Q-Jay Dirksen  
Jaymilaine Dirksen

**Mama di Q-Jay y Jaymilaine:** Marylu Martis  
**Rumannan:** Evelina y Eric Rincones-Dirksen  
Ingrid Dirksen y † Diego v.d Linde  
† Irena y Johan Kelly-Dirksen  
Frido Dirksen y Esperansa Nausa  
Jaime y Julia Dirksen-Geerman  
Rudy Dirksen y Yvonne Barthel  
Frank y Aura Dirksen-Geerman  
Sixto y Ingrid Dirksen-Montalvo

**Sobrin(a)nan:** Everick y Ryma Rincones v.d Linde  
Elwin y Yuneida Rincones-Albus  
Edmar y Marlisa Rincones-Hart  
Omar Kelly y Mary Geerman  
Jairo Dirksen  
Jayne y Derrick Franken-Dirksen  
Jamir y Tiziana Dirksen-Carrasquero  
Kevin Dirksen  
Mylene Dirksen  
Fernando Dirksen  
Alejandro Dirksen y Daybelis Croes  
Leonardo y Alejandra Dirksen-Jimenez  
Reynaldo Dirksen y Nariën Croes  
Meleny Dirksen  
Ibrahim Dirksen

**Omo y tantanan:** Alberto y Frani Wernet-Kelly  
Mamita y † Bartolo Dirksen-Wernet  
Rafaela y Rosimbo Gomes-Wernet

**Madrina y Padrino:** Celedonia Kelly-Maduro  
Johan Kelly

**Swa y cuñanan:** Marieta de Cuba y Marcel  
Frido y Sonia Werleman-Ridderstap  
Francis(Nani) y Carlos Croes-Werleman  
Edward Werleman  
Mary y Evert Pereira-Werleman

**Conocer di cas:** Lorencia "Lola" Geerman

**Amigonan:** Amigonan di Soft Ball, Mustang Boys,  
Grupo di Camping y demas amigonan

### Comper y comernan, primo y primanan , sobre subrinonan y demas famia:

Dirksen, Werleman, Rincones, v/d Linde, Albus, Hart,  
Geerman, Franken, Carrasquero, Croes, Jimenez, Lo-  
Fo-Sang, Dirkz, Wernet, Gomes, Kelly, de Cuba,  
Pereira, Ridderstap  
Despensa si den nos tristesa nos por a lubida algun  
persona of famia.

**Condolencia lo tuma lugar diabierna** 30 di  
november di 6or pa 9or pm na Aurora Funeral Home.  
**Ta invita** pa asisti na acto di entierro cual lo tuma lugar  
diasabra 1 di december 2018 di 9or pa 11or di mainta  
na misa Imaculada Concepcion na Santa Cruz.  
Despues saliendo pa Santana catolico Sta Maria na  
Santa Cruz.

Nos ta lamenta cu despues di entierro nos no ta ricibi  
bishita di condolencia na cas.



Ki alegria, ora nan a bisa mi:  
"Ban cas di Señor"  
Y awor ata mi aki para na bo  
porta Señor.  
Salmo 122

Cu inmenso dolor na nos curason, pero conforme  
cu boluntad di Dios,  
nos ta anuncia fayecimento di

## Eda Beatriz Diaz

\*24-02-1934 - †22-11-2018

### Na number di su:

#### Rumannan:

sra. vda. Sixta Matos-Diaz y † Nelson Matos

† Jolanda Habibe-Diaz y † Hendrik Habibe

Sra. vda. Otilia Thiel-Diaz y † Teofilo Thiel

Maria (Memita) y Mencho Ridderstaat-Diaz

† Julian y † Ruth Diaz-Saibbald

#### Sobrin(a)nan manera yiunan:

Rosanna Ridderstaat

Luis Eduardo Curet y

Yiu Luis Ludrick Curet

Johnny Habibe y yiunan Johnnel y Jason Habibe

Judith Curie

Luisito Ridderstaat

Julleke Diaz

Rudy Diaz y yiu Gabrielle Diaz

Lisa Diaz y yiunan Rob y Kyra Diaz

Ingrid Diaz y yiunan Cheyenne y Harley Diaz

Liz Thiel

#### Manera yiu:

Bety Habibe

Vi y Antonieta Habibe y famia y rumannan

#### Primo(a)nan manera ruman:

Candita Tromp-Gomez y famia

† Nila de Cuba-Gomez

Miriam y Armando Feliciano-deCuba

Fidel y Ingrid deCuba y demás rumannan

Iris Waincier-Gomez y famia

Iraida Levine-Gomez

Delwin y Hilary Gomez-Kuiperie

Erik y Rina Gomez-de Lange y famia

Jerry Gomez y famia

† Efrain Gomez y famia

Victor y Elisabeth Yanez y famia

Otto y Doria Diaz y famia

Lola Croes-Booi y rumannan; Staring Yarzagaray-  
Booi, Williams Lacle

Ursula Trimon-Hieroms y rumannan

Lenny Koolman-de Bie y famia

Carmen Friemel-Booi y rumannan

Rumannan Maduro, Pablo, Salazar, Wout,

Marchena y famia

Amiganan di cas manera ruman: Mirna Maduro-

Robert y famia

Helena Odor-de Cuba y famia y rumannan

Olga y Rumannan Ruiz

Rumannan Mateo


Rita Grant

**Su ayudantenan stima:** Carmen y famia

#### Su ihanan

**Famia:** Diaz, Matos, Habibe, Thiel, Ridderstaat,  
Curet, Curie, Sibbald, Yanez, Gomez, Tromp, de  
Cuba, Booi, Hieroms, Koolman, Maduro, Pablo,  
Salazar, Marchena, Wout, Maduro, Odor, de Cuba,  
Ruiz, Mateo y Grant

**Acto di entierro ta tuma lugar na Aurora Funeral  
Home diahuebs 29 di november 2018 di 2'or pa  
4'or di atardi, despues saliendo pa Santana  
catolico Pastoor Kraanwinkel na Paradera.**



Esun cu ta biba  
bou di e proteccion  
di e Altisimo,  
lo permanece den  
e sombra di e  
Todopoderoso  
Salmo 91:1

Cu dolor na nos curason, pero conforme cu  
boluntad di Dios, nos ta anuncia cu a bai sosega  
den braza di Señor:

## Sra. Josefina Maria Ubaldia Merceleina Thode

Mihor conoci como Uba  
16 mei 1963 - 22 nov 2018

### Na number di:

#### Su esposo:

Johannes Mercelina, yiu Rina, esposo y yiunan

**Rumannan:** Lumena(Mena) y Rolando Deluvia  
Ritha Thode  
Phillip (yepo) Thode

**Prima Ruman:** Roselia Thielman y yiunan

**Tio:** Jose Statie y yiunan na Bonaire

**Tanta:** Laura Thielman y yiunan na Bonaire  
**Sobrin(a) y**

**sobrinanan:** Quancia y Nino Giel y yiunan  
Gregory y Valeria Douglas y yiunan  
Luandho Deluvia  
Carlson Douglas  
Christy Douglas

**Manera Yiu:** Joella Janga  
Brayan Gonzalez  
Claudia Francois

**Padrino:** Narciso "Siso" Silberie

**Iha:** Mushaina Maduro Krozendijk

**Amigo di cas:** Rocky  
**Ayudante na cas:** Maria Helena

**Amiganan:** Glenda, Judith, Helena, Judy, Lisette,  
Gianny, Morella

**Prima y primonan, acto primonan, sobre**  
**subrinonan, suanan y cuña, amiga y amigonan,**

**Bon bisinjanan:** Lica, Raquel y yiunan, Silvia,  
Lucilla, Elvira y yiunan

**Demas famianan:** Mercelina, Deluvia, Giel,  
Douglas, Thielman, Silberie, Statie, Doran, Allee,  
Thode, Lacle,

**Disculpa nos si den nos tristesa, nos por a**  
**lubida cualkier persona of famia.**

**Acto di cremacion ta tuma lugar den seno**  
**familiar diarason , 28 nov 2018**

**Ta ricibi bishita di condolencia dia: 29 nov 2018**  
**di 7.00 p.m. -9.00 p.m na Aurora Funeral Home**





Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado di Sorteo 28 Nov 2018 Anochi

<b>CATACHI</b>
Sorteo # 6646
<b>5619</b>
<b>1987</b>
<b>3118</b>
<b>BIG 4</b>
Sorteo # 5690
<b>0796</b>
<b>1OFF</b>
Sorteo # 395
<b>5008</b>
<b>ZODIAC</b>
Sorteo # 4449
<b>2004</b>
<b>Gemini</b>

<b>LOTTO 5</b>	<b>06-11-15-16-33</b>
Sorteo # 1954	Joker 18 Letter D
0x Jackpot	
1x Match 4+	
4x Match 4	
121x Afl. 12,00	<b>110.000,-</b>

<b>LOTTO DIA</b>	<b>12-13-16-21-30</b>
Sorteo # 4605	Proximo Jackpot
0x Jackpot	
6x Match 4	
126x Afl. 8,00	<b>73.000,-</b>

<b>MINI MEGA</b>	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50,00	
0x Afl.15,00	<b>725.000,-</b>

<b>MINI MEGA PLUS</b>	<b>Afl. 1.075.000,-</b>
-----------------------	-------------------------



**DIARIO** 7769-3491-1879

**SUPER 4** 7035

**CORSOW** 3958-0831-5903

**FLAMINGO** 0608-4812-1067

Resultado di Sorteo 28 Nov 2018 Merdia

<b>CATACHI</b>
Sorteo # 2405
<b>2271</b>
<b>9208</b>
<b>9628</b>
<b>BIG 4</b>
Sorteo # 2405
<b>2086</b>
<b>1OFF</b>
Sorteo # 461
<b>5641</b>
<b>ZODIAC</b>
Sorteo # 2405
<b>5820</b>
<b>Sagitario</b>

<b>LOTTO 5</b>	
Sorteo #	Joker Letter
0x Jackpot	
0x Match 4+	
0x Match 4	
0x Afl. 12,00	<b>100.000,-</b>

<b>LOTTO DIA</b>	
Sorteo #	Proximo Jackpot
0x Jackpot	
0x Match 4	
0x Afl. 8,00	<b>71.000,-</b>

<b>MINI MEGA</b>	
Sorteo #	Mega Ball
0x Jackpot	
0x match 4	
0x Afl. 500,00	
0x Afl 50,00	
0x Afl.15,00	<b>725.000,-</b>

<b>MINI MEGA PLUS</b>	<b>Afl. 1.075.000,-</b>
-----------------------	-------------------------

# SUERTE A27

DIAHUEBS 29 NOVEMBER 2018



## Aries

Algo importante lo sosode den bo relacionnan personal. Personanan cu ta acerca bo ta interesante y esey ta causa bo admiracion y satisfaccion personal. Numbernan di suerte pa awe: 6, 13, 26 y 41.



## Tauro

No bisa e prome cos cu ta bin den bo boca. E influencia directo di Venus, ta contra pesa e balansa y ta inclina na bo favor. Pone un dosis di cautela den loke bo ta bisa. Numbernan di suerte pa awe: 10, 19, 29 y 40.



## Geminis

Mercurio ta contribui pa bo ta mas flexibel, mas prudente. Sea alerta, cosnan no ta dje malo manera bo ta pensa. Bo financia lo ricibi un impacto fuerte. Numbernan di suerte pa awe: 1, 14, 33, 45.



## Cancer

Tin excitacion y "candela" na momento di intimidad sexual den bo bida amoroso. Esaki ta un dia pa evalua con bo ta manehando bo asuntunan sentimental. Numbernan di suerte pa awe: 7, 20, 30 y 39.



## Leo

Expresa bo mes cu naturalidad pero sin herida otro. Bo ta sinti e necesidad di purba algo diferente den bo relacion. Pone bo cosnan mas cla. Numbernan di suerte pa awe: 9, 25, 28 y 50.



## Virgo

Bo ta bon auspacia riba tereno sentimental. Bo intuicionnan no lo faya bo aunke bo por ta algo indeciso pa motibo di e accion di bo dirigente, Mercurio. Numbernan di suerte pa awe: 19, 35, 38 y 44.



## Libra

No laga bo mes confundi pa esunnan cu ta priminti demasiado. Prome cu involucra bo mes emocionalmente cu otro hende, averigua si e ta comprometi. Numbernan di suerte pa awe: 11, 23, 37 y 40.



## Scorpio

Amor ta envolve bo cu un onda cu ta inspira bo y ta atrae na bo hendenan hopi nechi. Desde awe lo bo bay tin hopi cos di haci. Numbernan di suerte pa awe: 3, 16, 31 y 43.



## Sagitario

Ta acercando un siman cu hopi movimiento. Dilanti bo lo sosode eventonan cual bo tin cu opta pa forma parti of simplemente para na banda. Numbernan di suerte pa awe: 12, 22, 36, 39.



## Capricornio

Lo bo keda sorprende ora bo scucha un confesion. Sigui bo intuicionnan y lo bo logra resultadonan prometedor den tur loke bo ta purba di realisa. Numbernan di suerte pa awe: 4, 17, 24 y 38.



## Aquario

Evita discuti cu personanan poco inteligente y fanatico ciego. Ta un perdida di tempo. Bo mester ta hopi prudente pasobra lo bo bay enfrente personanan dificil. Numbernan di suerte pa awe: 6, 22, 40 y 52.



## Pisces

Bo forsa di boluntad lo wordo activa den forma hopi notabel y lo bo logra loke bo tabata desea. E actitud di duda, ta causa iritacion y molester. Ta ora pa mira realidad. Numbernan di suerte pa awe: 5, 18, 27 y 35.





#### Cas Di Cultura

Vondellaan 2 Aruba  
297-582-1010

#### FADA

Campanastraat 5 Aruba  
297-583-2999  
297-583-9610

#### FAVI

Primavera 233 Aruba  
297-582-5051  
297-582-5222

#### FEPO

Engelandstraat 15 Aruba  
297-583-1016  
297-583-6607

#### Fundacion Hende

Muhe den dificultad  
Tel: 583-5400

#### Fundacion Autismo Aruba

Irenestraat 21 Aruba  
297-588-1179

#### Fundacion Pa Nos Muchanan

Cumana 2 Aruba  
297-583-4247

#### Fundacion Tel Pa Hubentud

Wilhelminastraat 19 Aruba  
297-588-6138

#### Koningin Wilhelmina Fonds

Spinozastraat 9 Aruba  
297-582-0412

#### Mary Joan Foundation

Sabana Blanco 8 Aruba  
297-588-9999

#### Ned Rode Kruis

Perdo Gallegostraat 14 Aruba  
297-588-3376

#### Famia Planea (SBVO)

Avenida Milio J Croes 17 B Aruba  
297-588-9591

www.famiaplanea.org  
famiaplanea@hotmail.com

#### Stichting Fundacion Guia Mi

George Madurostraat 34  
297-582-0088

#### Y M C A

Calbasstraat 1 Aruba  
297-582-3072

#### AL-ANON group

Sabana Liber #8, Noord  
(close to the hotels)

Tel: 736-2952 or  
593-7081

#### A1 Taxi Services Aruba

Italietraat 50 lokaal 7  
Tel: 587-8850

Tel: 280-2828

Whatsapp: 592-7024

E-mail: a1taxiservices.  
aruba@hotmail.com

#### Mobility Equipment Hire

Tel: 568 5165



## Dokter na warda

### Oranjestad

Dr. Vogel  
Tel. 583 3777

### San Nicolas

Dr. Britt Croes  
Tel. 584 1984

## Botica na warda

### Oranjestad:

Oduber  
Tel. 582 1780

### San Nicolas

Centro Medico  
Tel. 584 5794

## SERVICIO DI TAXI

Aruba Transfer Tour & Taxi C.A.

Pos Abao #41

P.O.Box 723 Aruba

Tel: 582-2116 / 582-2010

Fax: 583-6988

Taxi Adres Service (24h)

L.G. Smith Blvd. #234

Oranjestad Aruba

Tel: 587-5900

Fax: 587-1928

E-Mail: tas@setarnet.aw



## Schedule november 2018

			AME	DEPT	BENTH
SUN	25	FREEWINDS - DEPT.	****	23.15	E
MON	26	CARNIVAL SUNSHINE	13.00	22.00	C
TUE	27	NAVIGATOR OF THE SEAS	08.00	23.59	C
		NORWEGIAN DAWN	08.00	20.00	I
		BRITANNIA	08.00	18.00	B
WED	28	ZUIDERDAM	13.00	23.00	C
		MONARCH	08.00	15.30	B
		FREEWINDS	06.00	****	E
FRI	30	MS RIVIERA	10.00	23.00	C
		CROWN PRINCESS	08.00	19.00	B

## EMERGENCIA

911

POLIS	
Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
San Nicolas	584-5712
Santa Anna	586-8181
Santa Cruz	585-8028
Sero Preto	584-4833
Trupial	583-8560

## UTILIDAD

Setar	117
Web	525-4600
Elmar	523-7147

## FUNERARIA

Aurora	588-6699
Ad Patres	584-2299
Olive Tree	584-8888
Royal Funeral H.	586-4444

## Centrale Bank van Aruba

Daily Exchange Rates - 11/28/2018



CENTRALE BANK VAN ARUBA

Currency <sup>1</sup>	Buying from Public <sup>2</sup>	Buying from Public <sup>3</sup>	Selling to Public
ANG	98.00	100.00	100.20
ANG1 <sup>4</sup>	-	-	100.00
USD	1.77	1.78	1.80
CAD	1.31	1.33	1.35
CHF	178.12	178.84	179.64
GBP	2.21	2.26	2.32
JPY	155.18	156.59	158.17
EUR	199.20	201.02	203.04
DKK	25.96	26.68	27.48
NOK	19.68	20.40	21.20
SEK	18.57	19.29	20.09

For amounts up to Afl. 100,000



## Pronostico di Tempo

### Tempo:

Parcialmente te brevemente hopi nubia cu chens pa localmente un awasero breve.

Temperatura maximo 30 grado Celsius y temperatura minimo 25 grado Celsius. Solo lo baha awe nochi 06:11pm y lo sali mañan mainta 06:44am.



### Biento:

Modera for di direccion generalmente oost;

Forsa 3 te 4 (12 te 30 km/ora, 7 te 16 nudo)

Den dia basta fuerte te posiblemente fuerte den rafaga;

Forsa 5 te 6 (31 te 50 km/ora, 17 te 27 nudo).

nubia lo pasa riba region local. Principalmente den oranan di marduga y mainta trempan, esaki por produci un awasero breve riba parti di e isla.

### Condicion di lama:

Olanan di lama lo ta for di direccion oost cu haltura di 3 te localmente 5 pia, cu e olanan di mas halto na costanan oost te noordwest di e isla.

### Situacion general di tempo:

Den proximo 24 ora, humedad den nivelnan mas abou di atmosfera lo pone cu temporalmente mas

**BONDIA ARUBA**

**NO CONTRIBUI CU E CIFRA DI VICTIMA DEN ACCIDENTE DI TRAFICO**

**Pone bon TINO ora bo ta STUUR**

**Caribbean Cinemas**

**MEGAPLEX 8**

The only theater in Aruba with all stadium seating!

caribbeancinemas.com f Caribbean Cinemas Aruba

**NOVEMBER 29 - DECEMBER 5**

<p><b>QUE LEON</b></p> <p>SPANISH WITH ENGLISH SUBTITLES [PG-13]</p> <p>MON-THU 7:25   9:30</p> <p>FRI 7:25   9:30   11:35</p> <p>SAT 1:00   3:05   7:25   9:30   11:35</p> <p>SUN 1:00   3:05   7:25   9:30</p>	<p><b>POSSESSION OF HANNAH GRACE</b></p> <p>WITH SPANISH SUBTITLES [R]</p> <p>MON-THU 5:35   7:35   9:35</p> <p>FRI 5:35   7:35   9:35   11:35</p> <p>SAT 3:35   5:35   7:35   9:35   11:35</p> <p>SUN 3:35   5:35   7:35   9:35</p>
<p><b>THE CRIMES OF GRINDELWALD</b></p> <p>ALL FORMATS WITH SPANISH SUBTITLES [PG-13]</p> <p>MON-THU &amp; SUN 7:50</p> <p>FRI-SAT 7:50   10:35</p> <p>MON-FRI 6:00</p> <p>SAT-SUN 3:15   6:00</p>	<p><b>THE GRINCH</b></p> <p>WITH SPANISH SUBTITLES [PG]</p> <p>MON-FRI 4:50   6:55</p> <p>SAT-SUN 1:10   2:45   4:50   6:55</p>
<p><b>ROBIN HOOD</b></p> <p>WITH SPANISH SUBTITLES [PG-13]</p> <p>MON-THU &amp; SUN 5:10   9:20</p> <p>FRI-SAT 5:10   9:20   11:50</p> <p>MON-SUN 4:20</p>	<p><b>WIDOWS</b></p> <p>WITH SPANISH SUBTITLES [R]</p> <p>MON-SUN 8:45</p>

STARTING DECEMBER 6: CREED II • MARY QUEEN OF SCOTS • ELLIOT

Palm Beach Plaza Aruba | 586.0074

THE MAGIC OF THE MOVIES ON YOUR MOBILE DEVICE

Download on the App Store GET IT ON Google Play

## Pabien pa Cheppy y Sixta cu nan Boda di Diamant

ORANJESTAD - Awe ta cumpli boda di diamanta Cheppy y Sixta!

Nan ta haya felicitacio di nan 3 yiunan: Miriam, Richard y Eddie. Tambe un pabien grandi di tur su nieto y nietanan, bisanietonan na Aruba, Hulanda y Merca.



## Milieustraat 2018 di Serlimar ta sigui

ORANJESTAD - En conexion cu celebracion di temporada di fin di aña, e ta un tradicion cu Serlimar Sui Generis conhuntamente cu e aporte di Aruba Tourism Authority, A.T.A., ta organisa e ultimo Milieustraat di aña.

Manera tradicion Milieustraat 2018 a cuminsa den luna di November y lo termina den luna di December y a pasa den area di Noord, Playa Pabou y Dakota. E siguiente fechanan di



Milieustraat 2018 lo ta:

2 di december: ex. Lucky Store, San Nicolas

8 di december: Centro Deportivo Betico Croes, Santa Cruz

9 di december: Centro Deportivo Rooi Afo, Paradera

16 di december: Veld Universal, Pos Chiquito - Savaneta

Na cada fecha lo bay tin 4 container di Serlimar S G disponibel entre 7or di mainta te cu 1:45pm di atardi. Tur habitante di barrio y bisindario por haci uzo di e oportunidad aki pa benta articulo di cas, sushi di cura of otro tipo di desperdicio afo den e container nan disponibel. Ploeg di Mantencion Bo Barrio lo t'ey presente pa asisti habitante nan cu mester ayudo pa transporta nan desperdicio cu kier deshaci di dje. Pa ricibi e ayudo di Mantencion Bo Barrio pa recoge desperdicio pa tira afo por yama 524-5080 di dialuna pa diabierna pa registra e adres pa e dia di limpieza.



Serlimar S G kier pa e comunidad di Aruba marca e fechanan aki pa asina no perde e oportunidad pa deshaci di desperdicio na cas y asina cumpli cu e tradicion di limpieza pa e temporada di fin di aña. Serlimar S G ta sumamente contento cu

e colaboracion di parti di A.T.A. cu ta haci cu e accion di limpieza grandi pa fin di aña posibel. A.T.A. hunto cu e proyecto di Ban Serio ta enfatisa cu nos tur ta aporta y sigur mester reconoce nos impacto nos por tin ariba Aruba.



# Legalisacion di cannabis medicinal na caminda

**ORANJESTAD - RED Democrático, cu Ricardo Croes como lider di fraccion, ta promove e uzo medicinal di cannabis den e programa di Gobernacion. Dia prome di december proximo un conferencia lo tuma luga cu cannabis medicinal como topico.**

Remedi ta e number di e prome Conferencia Internacional tocante cannabis medicinal den e Islanan Hulandes, segun un comunicado ricibi pa Bon Dia Aruba.

Oradornan internacional y renombra ta splica e importancia di cannabis pa uzonan medicinal: Piedad Córdoba, ex-candidato presidencial y ex-senador di Colombia; Dr. Suzanne Sisley, presidente y investigador principal di e Scottsdale Research Institute; Dr. Juan Luis Castro, psicologo y senador di Colombia; Gen. Wesley



Clark consehero humanitario y economico y ex- candidato presidencial Mericano, lo ta presente. Tambe lo ta presente Robert Y. Lee, CEO di American Patriot Brands, y presidente actual di Puerto Rico One. Miembro di parlamento Ricardo Croes y minister Dr. Rudy Lampe tambe lo ta oradornan.

E legalisacion di cannabis medicinal ta un punto importante di e programa di

partido RED Democrático y ta muestra cu RED lo logra esaki. Mientras tanto, un comision di gobierno 'Commissie legalisering van medicinale cannabis' a wordo instala. Tur hende sa cu na Aruba e promotor pionero tras di legalisacion di cannabis en general ta Ricardo Croes. Den e acuerdo di gobernacion, tin poni cu e gobierno lo encamina e proceso di legalisacion di cannabis medicinal. Cu e conferencia aki, e uzo

medicinal di cannabis na Aruba ta wordo enfoca, y cu esaki Ricardo ta gana simpatia riba tereno nacional y internacional.

RED Democrático ta enfatisa e necesidad pa legalisacion di cannabis medicinal despues di a testigua diferente casonan exitoso di personanan hopi enfermo cu a recupera door di haci uzo di cannabis medicinal. No ta existi ningun duda riba e poder preventivo, curativo y terapeutico di cannabis. E legalisacion di cannabis medicinal ta mundialmente un hecho, por chempel na Uruguay, Jamaica, diferente estadonan Mericano (manera Denver, California, Atlanta, Washington y varios mas), Puerto Rico y diferente paisnan Europeo (manera Hulanda, Spaña, Alemania etc.; Alemania a pidi Hulanda pa aumenta e exportacion di cannabis medicinal pa e pais). Ta parce cu Aruba a keda atras riba e tereno aki, pero danki na e tremendo

esfuerzo di Ricardo Croes, RED Democrático y tambe e coalicion na mando, e legalisacion di cannabis medicinal lo bira un realidad.

Pa conclui cu palabranan di sr. Croes: "Si nos por salba of mehora e calidad di bida di un pashent cu ta sufrir di un enfermedad cronico of terminal, ken nos ta anto pa kita su derecho pa uza un remedi alternativo, cu a prueba caba cu e ta traha, door di prohibi esaki? E prohibicion di cannabis ta un acto ilicito contra e derecho di bida, hancra den e derechonan humano. No un, pero hopi pashentnan internacionalmente ta disfrutando di e beneficianan cu cannabis medicinal ta ofrece, como por ehempel pashentnan di MS, personanan cu tin cancer, y hopi mas."

Pa mas informacion y participacion: [www.remediaruba.org](http://www.remediaruba.org)

## Reunion tocante maneho di desperdicio

**ORANJESTAD - Ayera nochi un grupo di habitantenan di Parkietenbos y besindario a atende e invitacion haci pa gobierno pa duna un presentacion of seccion informativo riba e proyecto di saneamento di e dump nacional aki.**

Ta asina cu e prome destaho lo tuma luga denter di un siman pa lora ta trata e parti di incineracion y pa Januari awor e parti di e sanitary landfill. Ta wordo cancula un aña pa henter e proceso di diacusion politico rond di e proyecto aki y ceramento di contractnan. E di dos kwartaal ta definitivo pa evalua e viabilidad di e proyecto aki. Minister di Medio Ambiente, Otmar Oduber a bisa cu lo ta 11 contract cu mester cera pero mester adapta algun ley prome. E futuro di e dump aki mas probabel e lo bira un capping cu ta e opcion mas factibel y menos costoso y menos complica. TNO lo keda encarga cu e parti aki. E por bira un parke solar of un parke recreativo of cera definitivamente e sitio aki. Logicamente mester busca



otro sitio pa e tratamiento di sushi. Definitivamente lo bin cu proceso di incineracion cu por genera energia y gas cu lo por wordo bendi cu WEB NV. Pero tambe un sanitary landfill pa duna un solucion entre otro factibel y economicamente sostenibel. E ta un proyecto calcula pa 11 miyon dollar. E mandatario a bisa cu Serlimar lo keda

cu su tarea di recoge sushi manera otro compania priva. E proyecto aki lo por tarda un aña y mey pa su checusion. Nan lo spera di por cuminsa na 2020. E seccion informativo aki a conta cu presencia di minister Otmar Oduber y representantenan di departamentonan di gobierno, y tambe di TNO y WEB.





*Director DIP Errol Sjak - Shie:*

## ‘Building with nature no kier men cu no ta rosa, sino cu ta proteha naturalesa’

**ORANJESTAD -** Minister encarga cu Desaroyo Teritorial, Infraestructura y Medio Ambiente, Otmar Oduber, a anuncia cu su maneho pa locual ta naturalesa ta pa e desaroyo bay den tal forma cu ta tene cuenta cu produccion di naturalesa.

Den cuadro di esey a bin cu e maneho ‘Build with Nature’. Director di DIP, Errol Sjak-Shie, ta splica cu e parti di naturalesa riba su mes ta cay bou di un otro departamento, pero locual cu como esun encarga cu DIP kier a informa ta, cu ‘build with nature’ no kiermen cu no ta haci nada contra di naturalesa. ‘Build with nature’ ta encera cu mientras cu ta tene cuenta cu naturalesa y proteccion di naturalesa, bo ta bay ta desaroyando tambe.

Como chempel, sr. Sjak-Shie a uza infraestructura di careteranan. Bo no por keda sin rosa e recorrido di e caminda na momento cu ta bay crea careteranan nobo.



‘Building with nature’ no kiermen cu bo no ta bay rosa, sino cu den e desaroyo cu bo ta ocupa cune, bo ta tene cuenta cu naturalesa. Ta proteha naturalesa y alabes ta trece un desaroyo cu ta necesario pa bo por yega na un desaroyo balansa.

Den e maneho cu e minister encarga kier introduci, ta encera cu bo mester di permiso pa bay rosa, esey no ta exclui cu bo ta bay haya un permiso pa bo traha un cas, kiermen cu a lo menos

unda ta bay traha e cas mester rosa. Sinembargo, lo mester bay tene cuenta cu kico tur tin riba e tereno. Si tin aspectonan di naturalesa, proteha esakinan y toch rosa pa por construi bo cas. Den cuadro di esaki, arkitectonan lo mester bira mas creativo y mester evalua e tereno riba su mes tambe, y no djis pinta pa pinta, sino observando kico tin riba e tereno y con lo por proteha nan, sr. Sjak-Shie a termina bisando.



*Segun linguista Ramon Todd Dandaré*

## E Caya di Monche ta un buki totalmente ‘nostalgico’

**ORANJESTAD -** Awe pa 7:30 pm na Biblioteca Nacional Aruba (George Madurostraat) ta keda presente e buki *E Caya di Monche* di e autor Benjaminn Romero. E obra aki ta dedica na e linguista Ramon Todd Dandaré den cuadro di *Aña di Papiamentu 2018*.

Sr. Todd Dandaré a bisa cu e pensamiento pa skirbi riba Elleboogstraat, unda el a yega di biba tempo di su infancia y hubentud, semper tabata t’ey. Elleboogstraat ta e caya cu ta keda dilanti di ex hotel Central y unda awor tin e parkinglot grandi ta cas tabatin construi. Ya e casnan aki no ta existi mas for di aña 1955, nan a wordo basha abou pa traha e sitio di parkeer aki. Tur hende a sali for di e bario bay.

E ta conta cu e bario tabatin un historia cu ta aparece den *E Caya di Monche*. E ta un “historia hopi tipico. Hopi folklorico y tambe cultural



hunto.” Loke e ta considera importante ta cu e buki aki ta rescata e historia aki.

E ta haya cu ora bo ta skirbi un buki y den e caso aki e autor Romero a asumi e tarea

aki, caminda a base di Todd Dandaré su informacion, e por traha gran parti di e obra aki. Pero e ta abarca informacion di hopi mas hende.

Tambe e buki ta conta e manera cu nan tabata biba na Elleboogstraat. E bario aki tabatin un sistema di cas caminda tabatin un solo cura y den e cura ey bo ta haya

varios cas rond di dje. Un cura comparti pa diferente famia, unda un famia ta cushina algo pase pa e otro. “E diferente famia tabata biba manera famia di nan mes,” el a bisa.

E ta haya cu e buki ta importante pa e Aruba di awendia por conoce parti di e Aruba di antes, con nos tabata biba cu otro riba e isla aki. El a agrega cu e buki aki ta rescata for di olvido hopi cos cu no ta existi mas. P’esey e ta describi *E Caya di Monche* como un buki totalmente ‘nostalgico’. Entre e parti interesante cu e linguista ta menciona y cu ta aparece den e buki *E Caya di Monche* ta con Todd Dandaré como mucha cu a caba MULO, cu no ta existi mas na Aruba tampoco, a bay Lago cu tampoco ta existi mas, y el a subi ariba un tanker pa bay Europa. Y sin niun sorto di ayudo di Cas di Aruba, e so a yega Hulanda y habri su caminda.



*Minister President:*

## ‘Reforma fiscal lo wordo implementa den 4 fase’

**ORANJESTAD** - E compromiso di gabinete Wever-Croes ta pa trece alivio pa nos pueblo. Ora cu gobierno a introduci e crisisheffing temporal na juni ultimo, gobierno a fiha tambe e meta pa introduci un sistema di impuesto mas husto cu lo duna alivio di e peso di belasting. E Reforma Fiscal ta un proyecto cu lo tuma su tempo. E ta parti den diferente fase cu lo wordo introduci gradualmente den e proximo lunanan nos dilanti.

Segun un comunicado di gobierno, e prome fase di Reforma Fiscal ta riba e tereno di e belastingnan mas personal, loonbelasting y inkomstenbelasting. Esaki ta e impuesto cu cada trahado ta paga. Den e fase aki lo baha e tarifa y lo saca miles di hende for di loonbelasting. Miles di persona lo no bay paga loonbelasting mas, incluyendo pensionadonan. Esaki ta nos compromiso, di baha e tarifa di loonbelasting pa tur hende cu ta paga y elimina e loonbelasting pa un grupo grandi di



trahado. Tambe lo trece cambio den grondbelasting. Baha impuesto riba propiedad propio pero hisa impuesto riba otro tipo di propiedadnan, entre otro condominiuman. Fase dos ta e Impuesto Indirecto, cu ta e BBO y invoer-

rechten. Diferente posibilidad ta wordo studia pa cu e direccion cu kier bay cu BBO entre otro e BTW (manera IMF ta propone) of Omzetbelasting (manera na Corsou).

Fase 3 ta e impuesto cu co-

merciantenan ta paga, esta Winstbelasting y Dividend Belasting. Comerciantenan tambe ta indica cu awo aki tin un sistema di impuesto hopi complica y cu ta costa hopi. Tambe den e fase aki lo atende e demas reforma den

inkomstenbelasting. Awo ta papia solamente di tarifa. Pero den fase 3 lo traha riba e reforma mes y haci e formulario di inkomstenbelasting mas senciu. Prome minister ta duna di conoce cu esaki no ta un decision cu gobierno por a tuma e aña aki pero si den e siguiente lunanan nos dilanti.

Fase 4 ta e impuestonan cu turistanan ta paga. Nos bishitantenan di afo ta paga varios impuesto, Roomtax, Car rental tax, Time Share, All inclusive Tax, Casino Drop Tax. Tur e tipo di belasting aki mester wordo reforma.

“Gobierno ta bay paso pa paso cu e sistema nobo aki. E Reforma Fiscal ta parti den 4 fase. Si cada fase tuma minimo 6 luna pa wordo desaroya y implementa, den dos aña Aruba por tin un sistema di impuesto mas husto y senciu. E prome paso lo wordo tuma fin di aña aki, pa asina e aña nobo trece alivio pa Aruba. Hunto cada ciudadano ta coopera pa hiba nos pais den bienestar y progreso. Esaki ta nos compromiso”, sr. Wever-Croes a duna di conoce.

## December ta cera tur peticion pa tereno cu tin te aña 2005

**ORANJESTAD** - Den cuadro di e maneho di minister encarga cu desarrollo teritorial, infraestructura y medio ambiente, a stipula cu un promedio di 1000 cas mester wordo traha pa aña. Pa di e forma aki cumpli cu e demanda cu tin.

Den e 1000 aki tin tambe e 200 cu FCCA mester cubri, pero e resto di 800 nos tin cu ofrece e terenonan pa construi e casnan, Errol SjaK-Shie, director di DIP, a elabora.

Despues di e 2 sesionnan cu a otorga tereno cu tabatin e aña aki na april y na augustus, lo bay tin e tercer sesion dia 4 di december caminda cu un bes mas cu 300 persona lo haya e prome cartanan pa reservacion di tereno cu nan ta bin na remarca p’e pa inicia cu e proceso pa por obtene e tereno y construi nan cas. Asina minister Otmar Oduber kier cera e aña cu e cantidad cu el a planifica pa yega na dje pa por cumpli cu e demanda cu



tin pa construcion di cas. Segun sr. Sjak-Shie, keto bay e reto di mas grandi ta e parti financiero. Unabes bo haya un reservacion pa bo haya un tereno, lo bo mester de-

mostra cu di berdad tin un instituto financiero manera banco of fondo di pensioen cu ta dispuesto pa financia bo. Esey ta keda un reto paso no ta semper ta facil pa yega

na cumpli cu condicionnan di banco pa cumpli cu e parti financiero.

Tin un categoria di hende cu ta dificil pa nan yega na financiamiento, e ora ey ta traha

hunto cu FCCA pa wak si por cumpli cu nan demanda. Pa e otro grupo ta sigui stimula nan pa haci e areglonan debido pa cumpli cu e parti financiero. Mas importante ta pa nan keda cla cu nan banco of fondo di pensioen pa pasa e acta di hypotheek tambe ora cu pasa e acta di tereno, sr. Sjak-Shie a enfatisa.

Aworaki e grupo di 2000 – 2005 lo finalisa, kiermen na December ta cera tur peticion cu tin te aña 2005. Kiermen tur hende cu tin peticion haci di 2006/2007 ta bon pa nan cuminsa prepara, regla nan parti financiero pasobra esey ta e partinan mas importante. Sr. Sjak-Shie ta recomenda e grupo aki tambe pa cuminsa mira kico ta deseonan pa construcion di e cas cu nan kier. “Nan por cuminsa prepara pasobra nos ta transparente den esey cu manera cu aña bolter e gruponan aki ta na turno”, sr. Sjak-Shie a termina bisando.